

T Chinese


8

Vol VIII

馬元臺
張隱庵

合註素問靈樞

錦章圖書局
印行



錢塘張隱庵

兩先生合註

會稽馬元臺

同學高 杖士宗參訂

門人 王弘義子芳 黃紹姚載華 校正

行鍼第六十七

黃帝問於岐伯曰。余聞九鍼于夫子。而行之于百姓。百姓之氣血各不同形。或神動而氣先鍼行。或氣與鍼相達。或鍼已出。氣獨行。或數刺乃知。或發鍼而氣逆。或數鍼病益劇。凡此六者。各不同形。願聞其方。

張此承前章論刺陰陽之人。而行鍼之不同也。夫五音之人。多陰。左右太少之人。多陽。百姓者。天下之大。眾蓋天地之間。六合之內。不難乎五。而人亦應之。百姓之氣血。各不同形者。謂形中之血氣。有盛有少也。六者。謂重陽之人。陽中有陰之人。陰陽和平之人。多陰之人。陰中有陽之人。及粗工之所取也。倪仲玉曰。此篇論刺形。故提二形字。未結一形字。

錫此帝以受鍼之人有六者之異而問之也。

岐伯曰。重陽之人。其神易動。其氣易往也。黃帝曰。何謂重陽之人。岐伯曰。重陽之人。熇熇高高。言語善疾。舉足善高。心肺之藏氣有餘。陽氣滑盛而揚。故神動而氣先行。

張此言重陽之人。神氣之易行也。夫五藏內合五行。外合五音。三陰之所主也。心肺居上。為陽。肝腎脾居下。為陰。陰中有陽也。重陽之人者。手足左右太少之三陽。及心肺之藏氣有餘者也。熇熇高高。乃三手陽之在上也。言語善疾。陰中之陽在中也。舉足善高。足三陽之在下也。心藏神。肺主氣。心肺之藏氣有餘。陽氣滑盛而揚。故神動而氣先行也。

黃帝曰。重陽之人。而神不先行者何也。岐伯曰。此人頗有陰者也。黃帝曰。何以知其頗有陰也。岐伯曰。多陽者多喜。多陰者多怒。數怒者易解。故曰頗有陰。其陰陽之離合難。故其神不能先行也。

張心為陽中之太陽。肝為陰中之少陽。心主喜。肝主怒。心藏神。肝藏魂。魂隨神以往來者也。動神而氣先行者。神魂之相離也。重陽而頗有陰者。陰陽之相合也。陰陽之離合難。故神與魂合。則其神不能先行。

言語五藏之所發也

矣上文曰氣先行此則曰神不能先行蓋氣行則神行神行則氣行神氣之相隨也失行鍼者貴在得神取氣然而神有易動氣有易往是以數刺而病益甚者反傷其神氣也○仇汝霖曰喜為心志怒為肝志數怒者易解言其人易怒而易解者重陽之人頗有陰也蓋多陰者多怒此陽中之陰故易怒而易解也

註此承上文而言神動而氣先鍼以行者必其為重陽之人也夫重陽之人神易動而氣易往者何哉正以陽鳴而有上炎之勢高高而有卑屈之心以言語則善急以舉足則甚高其心肺在上之藏氣更為有餘而陽氣者衛氣也滑盛而揚故用鍼之際其神易動而氣先鍼而行也然有重陽之人而神不先行者陽中頗有陰也凡多陽之人必多喜多陰之人必多怒惟此重陽之人而怒亦數有但比重陰之人則易解耳故曰頗有陰也蓋以陽中有陰則陽為陰滯初雖鍼入而與陽合又因陰滯而復相離其神氣不能易動而先鍼以行也以此

黃帝曰其氣與鍼相逢奈何岐伯曰陰陽和調而血氣淖潤滑利故鍼入而氣出疾而相逢也

註徐振公曰此言陰陽和平之人血氣淖澤滑利故氣出疾而與鍼相逢也○倪仲玉曰謂陰陽之氣皆應于鍼相達也正以此人者陰陽各經相為調和而血氣淖澤故耳

黃帝曰鍼已出而氣獨行者何氣獨然岐伯曰其陰氣多而陽氣少陰氣沉而陽氣浮沉者內藏故鍼已出氣乃隨其後故獨行也

註徐振公曰此言多陰之人鍼已出而陰氣獨行也其陰氣多而陽氣少者陰氣沉而陽氣浮陰陽之相離也故鍼已出則微陽之氣隨鍼外泄陰氣外行于內此陰陽不和不能交相廝守而微陽之易脫也此言有鍼已出而氣獨行者正以陰氣多而內藏故鍼雖出而氣乃隨後以獨行也陰氣者營氣也陽氣者衛氣也下文同

黃帝曰數刺乃知何氣使然岐伯曰此人之多陰而少陽其氣沉而氣往難故數刺乃知也

註徐振公曰此言陰中有陽之人數刺而始知也陰中有陽者多陰而少陽其氣沉而難于往來故數刺乃知此陰陽廝守于內也二節言多陰少陽之人有陰陽之相離者有相守者陰陽離合之道行鍼者不可不知○仇汝霖曰多陰少陽故陰陽不合陰中有陽故陰陽相和蓋陽生于陰也

註此言人有數刺而始知者以其陰氣多而沉也蓋此上節之沉則又沉之甚矣

日多少故不相合

黃帝曰：鍼入而氣逆者，何氣使然？岐伯曰：其氣逆與其數刺，病益甚者，非陰陽之氣浮沉之勢也。此皆粗之所敗，工之所失，其形氣無過焉。

注 徐振公曰：重陽之人，其神易動，其氣易往，神氣之易散也。多陰之人，氣隨鍼出，微陽之易脫也。陰陽有離有合，氣之有浮有沉，粗工不知浮沉離合之道而失之，以致數刺而病益甚也。夫五音之形，陰氣多而陽氣少，左右太少之形，陽氣多而陰氣少，故善用鍼者，調其陰陽而使形氣之無過焉。○仇汝霖曰：神氣者，五臟之神氣也。望陽之人，使神氣外弛，則愈亡其陰矣。多陰少陽之人，使陽氣隨鍼而出，則愈亡其陽矣。此皆粗之所敗，工之所失也。

注 此言有鍼入而氣逆者，乃醫工之失，其鍼法也。凡鍼入而氣逆，與數刺而病益甚，非陰陽之氣有浮沉之勢也。特以營氣主沉，衛氣主浮，故刺衛當淺，刺營當深。今鍼入而氣逆者，特以宜淺而反深之，宜深而反淺之，所以鍼入而氣逆也。故凡用鍼者，皆當視其形氣而弗使過焉可也。

上膈第六十八

馬 首句有氣為上膈，故名篇。

黃帝曰：氣為上膈者，食飲入而還出，余已知之矣。蟲為下膈，下膈者，食時時乃出，余未得其意。願卒聞之。岐伯曰：喜怒不適，食飲不節，寒溫不時，則寒汁流于腸中，流于腸中則蟲寒，蟲寒則積聚，聚于下管，則腸胃充，郭衛氣不營，邪氣居之。人食則蟲上食，蟲上食，則下管虛。下管虛則邪氣勝之，積聚已留，留則癰成。癰成則

下管約，其癰在管內者，即而痛深，其癰在外者，則癰外而痛浮。癰上皮膚，**馬** 據後論疾診尺篇第三節可也。

張 此言汁沫積于腸胃而成癰，膈者內之膈，肉前連于胸之膈尾，後連于脊之十一椎旁，連于膈膈上為膈中名曰氣海，上焦宗氣之所居，上焦開發宣五穀味，所以重膈充身澤毛。膈下胃府之所居，名水穀之海，受中焦之氣，泌精粕，蒸津液，化其精微，隨三焦出氣，以溫肌肉，充皮膚。若因于喜怒不適，食飲不節，寒溫不時，病在膈上者，食飲入而還出，因于膈下者，食入時時乃還，時時周時也。夫胃者水穀血氣之海也，汁沫者胃府所生之津液，滲出于腸胃之外，募原間之孫脈絡脈，化赤為血，注于胃之大絡，從臍府之經，隨外出于皮膚，如因于外邪，以致津沫滲留于腸外，不得散，則日以成積矣。如因于內傷，汁沫留于腸

還音彼
時音粹
管後世
作脫癰
癰同

寒汁不
得氣則
不能行
散

二內字
納同母
與同伍
五同慙
澹同

內漸積而成癰。此皆因于中上二焦之氣有傷，不能宣化輸布。故帝曰：氣為上膈，蟲為下膈。上膈者，上焦之氣也；下膈者，中焦之氣也。蓋蟲為陰類，遇陽熱則消，中焦之氣虛寒，則陰類生聚。而上食矣，寒汁留于腸中，則腸胃充郭，而衛氣不能營于外，則留積而成癰矣。其癰在腕內者，即痛而深，其癰在外者，則隱見于外而痛浮在癰上之腹皮則熱。○徐振公曰：此篇亦承前數章而言，謂形中之肌肉血氣，藉胃府水穀之所生養，若食飲入而還出，或暮食朝吐，朝食暮吐，則形氣消索矣。此皆因于喜怒不節，若傷于五藏之形，則成五藏之積，傷于腸胃，則成腸胃之癰。本經曰：五藏不和，則七竅不通，六府不和，則留而為癰。此言腸證有上下之分，而尤詳下膈之義也。膈者，膈膜也。前鳩尾，後齊十一椎，所以遮隔濁氣，不使上時始復外出，但帝明于上膈而昧于下膈，但言下膈之始，由于喜怒食飲寒暖不能善調，以致寒汁飲于腸中，則蟲因寒而聚于下膈。▲膈下二寸為下膈。▼惟其聚于下膈，故在上之胃，皆已充郭，衛氣不得上營，邪氣同居于腸胃之中，及其人食則蟲上食，而下腕始虛，隨致邪氣入于下腕，而積聚已留矣。由是壅成而下腕約也。其壅在下腕之內者，即而按之，其痛深，其壅在下腕之外者，即而按之，其痛乃浮。壅上之皮亦熱，此下膈之病，所以食飲時時而還出也。▲按百病惟膈為難愈，後世之治膈者，並不能分上膈下膈，有氣與蟲之異，乃遵仲景東垣丹谿書，以關格為膈，證按本經終始經脈禁服篇，明是脈體非格證也，豈不誤哉。

黃帝曰：刺之奈何。岐伯曰：微按其癰，視其所行，先淺刺其傍，稍內益深，還而刺之，毋過三行。察其沉浮，以為淺深，已刺必熨，令熱入中，日使熱內，邪氣益衰，大癰乃潰，伍以參禁，以除其內，恬憺無為，乃能行氣，後以鹹苦化穀為下矣。

張視氣所行者，視衛氣之行于手足陽明而取之也。毋過三行者，先淺刺之，以逐陽肌，而來血氣，復深刺之，以致陰氣之邪，最後還而復深刺之，以下穀氣，穀氣者，水穀所生之穀氣也。若過取之，則穀氣出，故曰毋過三行。察其浮沉者，察癰之生于腕內腕外，而為淺深之刺也。已刺必熨者，溫散其寒汁末也。伍以參禁者，參伍而禁忌之，以除其內積也。上古天真論曰：恬憺虛無，真氣從之，故宜恬憺無為，乃能行氣。鹹苦化穀者，以鹹苦之物，同穀食之，蓋鹹能真堅，苦能泄下，穀則養其正氣者也。○徐振公曰：此因喜怒不適，食飲不節，寒溫不時之所致，故曰伍以參禁，謂禁其飲食之所當忌者，恬憺無為，是和其喜怒，適其寒溫矣。○倪仲玉曰：當忌者，忌不當忌者，不忌，故曰參伍。

此言刺下腕之癰者，必有其法也。輕按其癰，視其氣之所行，先淺刺其癰之旁，稍內其鍼，而益深之，又旋而刺之，至于其三，則不必復刺矣。察其癰之浮者，淺刺之，癰之深者，深刺之，及已刺之後，必以大熨

之使執入于其中日使內之必熱則邪氣漸大癰乃潰又互參禁守之法除其入內之事專一恬憺無為乃能行氣然後用苦寒等味以化其積庶食飲從茲下矣

憂志無言第六十九

註 人有憂與怒以致無言蓋有其由故名篇

黃帝問于少師曰人之卒然憂志而言無音者何道之塞何氣出行使音不彰願聞其方

張 音聲者五音之聲喉曉而有高下者也語言者分別清濁字面發言而有語句也在肺主聲心主言肝主語然由足少陰腎氣之所發又曰五者音也音主長夏是音聲之道本于五藏之氣全備而後能音聲響曉語句清明故善治者審其有音聲而言語不清者當責之心肝能言語而無音聲者當責之脾肺不能言語而無音聲者此腎氣之逆也夫憂則傷肺肺傷則無聲矣志怒傷肝肝傷則言語不清矣○徐振公曰土數五而主宮音宮乃君主之音五音之主也○仇汝霖曰此篇亦承前數章而言蓋憂恐忿怒傷五藏之形則病五藏而成積如傷五藏之氣則無音聲矣○倪仲玉曰憂恐忿怒傷氣氣傷藏乃病藏是因氣而病五藏之形或傷五藏之氣

少師答曰咽喉者水穀之道也喉嚨者氣之所以上下者也會厭者音聲之戶也口唇者音聲之扇也舌者音聲之機也懸雍垂者音聲之闕也頑頰者分氣之所泄也橫骨者神氣所使主發舌者也故人之鼻洞涕出不收者頑頰不開分氣失也是故厭小而疾薄則發氣疾其開隘利其出氣易其厭大而厚則開隘難其氣出遊故重言也人卒然無音者寒氣客于厭則厭不能發發不能下致其開隘不致故無音

張 胃之上脘為咽喉主進水穀在喉嚨之後肺之上管為喉嚨主氣之呼吸出入在咽喉之前會厭者在喉嚨之上乃咽喉交會之處凡人飲食則會厭掩其喉嚨而後可入于咽此喉嚨之上管故為音聲之戶謂聲氣之從此而外出也脾開竅於口唇口開闔而後語句清明故為音聲之扇心開竅于舌足少陰之脈上挾舌本舌動而後能發言故為音聲之機懸雍者喉間之上腭有如懸雍之下垂者聲從此而出故為音聲之闕肝脈循喉嚨入頑頰頑頰者腭之上竅口鼻之氣及涕唾從此相通故為分氣之所泄謂氣之從此而分出于口鼻者也橫骨者在舌本內心藏神而開竅于舌骨節之交神氣之所游行出入故為神氣之所使主發舌者也蓋言橫骨若弩舌之發機神氣之所使也人之鼻洞涕出不收者因頑頰不開分氣失也蓋以申明頑頰乃腭之上竅口鼻之氣及涕唾之從此而相通者為開為闔主聲

厭上聲

氣之出入是以薄小則發聲疾厚大則開闔難其氣出遲故重言也重言者口吃而期期也寒氣者足少陰寒水之氣也蓋少陰之脈上繫于舌絡于橫骨終于會厭其正氣上行而後音聲乃發如寒氣客于厭則厭不能發謂不能開也發不能下謂不能闔也是以至其開闔不致而無音聲矣

註此詳言人之憂志而無言者以寒氣之客于會厭也人有二喉其一曰咽喉乃水穀之道也生于後其管通于六腑其一曰喉嚨氣之所以上下者也生于前其管通于五臟會厭者凡人用飲食必由會厭

以掩喉嚨而後飲食可過耳故喉嚨既為氣之上下則會厭為音聲之戶唇為音聲之扇舌為音聲之機猶弩之有機懸瓊為音聲之闕額頰為分氣之所泄橫骨為神氣之所使舌之所發故人有鼻洞涕

出不收者必其頑頰不開分氣相失從鼻而誤出故耳然人之言語所發寔以會厭為主厭小而薄則發氣速以其開闔利而出氣易也若厭大而厚則發氣遲以其開闔難而出氣遲所以言語最重也令人卒

然鎮音者由夫寒氣客于會厭則厭不能發發亦不能下其開闔頗難所以至于無音也

黃帝曰刺之奈何岐伯曰足之少陰上繫于舌絡于橫骨終于會厭兩瀉其血脈濁氣乃辟會厭之脈上絡

任脈取之天哭其厭乃發也

註足少陰主先天之生氣留于膻中上出于肺以司呼吸者後天水穀所生之宗氣也是以呼出心與肺吸入下通於肝腎呼吸定息上下之相通也故寒氣客之則正氣不通而會厭失其開闔之機矣濁氣

者寒水之濁氣辟除也兩瀉其血脈者謂脈道有兩岐一通于舌本一通精液于廉泉玉英蓋足少陰主藏先天之精氣而上通于空竅者也

註此言即人之無音者而有刺之之法也足少陰腎經所行之脈上繫于舌復絡于橫骨以終于會厭必

以刺之其厭乃可發也▲天哭在頸結喉下四寸宛宛中鍼五分留三呼灸三壯

寒熱第七十

註凡有瘰癧者其病必發寒熱故名篇

黃帝問于岐伯曰寒熱瘰癧在於頸腋者皆何氣使生岐伯曰此皆鼠疫寒熱之毒氣也留于脈而不去者也

注此承上章之義而論足少陰之水火馬寒熱者先天水大之氣水人者精氣也以上數章論後天所成之身形及水穀所生之血氣有感有虛為癰為積上章論少陰所生之氣上出于膻臑而發于音聲所藏之精上通于任脈以濡空竅然有正氣則有邪淫如寒熱之毒氣下藏于臑上通于頸液之間即留於脈而不去則為癰癰者此腎藏先天之水毒也天開於子天一生水其毒在外故名曰鼠夫頸液之脈少陽之脈也少陽乃初陽之氣生于先天之水中少陽與腎藏精氣相通故本經曰少陽屬腎愚按本經凡論刺論疾其中暗合天地陰陽之道及血氣之主始出入蓋欲使學者知邪病之所由生則正氣之所出入若能觸類旁通

斯得聖人之微義

註此言鼠瘻之所以發為寒熱者以其毒氣之留于脈也癰癰者瘡名一名鼠瘻瘡生于頸腋兩腋間乃陽明少陽兩經之所循也正以鼠瘻有寒熱之毒氣留于其脈而不去耳 俗云鼠瘻用飲食流涎于其中入誤用之所以毒氣感而生癰癰今鼠之頸腋多塊其狀猶癰癰然 後世有用貓製藥方者亦所以勝其毒耳大義又見後論疾診尺篇

黃帝曰去之奈何岐伯曰鼠瘻之本皆在于藏其脈上出於頸腋之間其浮于脈中而未內着於肌肉而外為膿血者易去也黃帝曰去之奈何岐伯曰請從其本引其末可使衰去而絕其寒熱審按其道以予之徐

往徐來以去之其小如麥者一刺知三刺而已

註素問骨空論亦有刺寒熱法

註此言陰藏之毒氣傳于府陽而外出于末者可刺而易已也夫藏為本脈為末其毒在藏而上出于頸腋之間其浮于脈中而外為膿血者此毒氣出于末而從脈清故易已也未內着于脈肉者未轉及於陽明也故從其本引其末可使衰去而絕其寒熱之毒審按其出之道路以予奪之徐往徐來以引去之其小如麥者毒之輕微也可一刺知三刺而已此章與素問集註第六十篇之骨空論合參其大義曉然矣○徐振公曰手厥陰少陽皆與腎合藏陰之毒出于府陽故為易治若出于厥陰之藏故為不治之死證矣

註此論刺癰癰之有法也鼠瘻之本皆在五藏其末上出于頸腋浮于脈中內未着于肌膚外尚未成膿血者斯易去也去之之法亦惟從其何藏之本以引其在在外之末可使漸衰而絕其寒熱審按其脈道以取穴而與之鍼徐往徐來以去其病 刺法 內有 如小麥粒者一刺則知其病之將去三刺則病自已矣

黃帝曰決其生死奈何岐伯曰反其目視之其中有赤脈上下貫瞳子見一脈一歲死見一脈半一歲半死見二脈二歲死見二脈半二歲半死見三脈三歲而死赤脈不下貫瞳子可治也

註此節大義與本經論疾診尺篇相同

厥後人以包絡非命門皆不知形氣之故。天地有正氣亦有淫氣。骨空論有救治之法。

衛氣先行于四末者先。行皮膚先充絡脈循經而行。

張夫腎藏天一之水地二之火。此先天始分之兩儀也。少陽厥陰之氣皆出于腎厥陰之氣上舍于心下焦之部。而為有形之一藏也。絡主脈而代君行其血焉。少陽之氣游行于上中下。出入于肌腠歸于中。皆本於腎藏之所生。瞳子者水藏之骨睛也。赤脈從上而下貫瞳子者水藏之毒氣上交于包絡之火藏。而從脈潰故為不治之惡疾也。夫天一地二合而為三一。脈一歲死者水藏之毒甚也。二脈二歲死者水藏之毒博之于火藏也。三脈三歲死者毒氣分于二藏之間也。蓋毒之專者重故死之速。分者死之遲也。一脈半者一二之間也。二脈半者二三之間也。夫人秉先天之水火而成。此形有感于正氣必協于邪淫。是以疴毒發源在腎。先天之火毒也。瘰癧者先天之火毒也。蓋火有毒而水亦有毒。但火多而水毒少也。○仇汝霖曰：心包絡為陽藏陰傳于陽而不復下交于陰者尤為可治。故復曰赤脈不下貫瞳子者可治也。聖人救民之心甚切。醫者可輕忽而待其死耶。

馬此言決瘰癧之生死有法也。赤脈從上而下貫瞳子者凡死之速。近以脈之如線者多少為度。如無赤脈下貫瞳子者其病可治也。

邪客第七十一

馬客者感也。首節論邪之所感。故名篇末節八虛義同。

黃帝問於伯高曰：夫邪氣之客人也。或令人目不瞑。不卧出者。何氣使然。

馬此篇論衛氣行于形身之外。內宗氣行于經脈之外。內行于脈內者。皆宗氣而行。行于脈外者。隨衛氣而轉。外內自相逆順而行者也。○徐振公曰：此章假邪客以明衛氣宗氣之行。故篇名邪客。而經文皆論其正氣焉。

伯高曰：五穀入于胃也。其糟粕津液宗氣分為三隧。故宗氣積於胸中。出於喉嚨。以貫心脈。而行呼吸焉。榮氣者。泌其津液。注之於脈。化以為血。以榮四末。內注五藏六府。以應刻數焉。衛氣者。出於悍氣之慄疾。而先行於四末。分肉皮膚之間。而不休者也。晝日行於陽。夜行於陰。常從足少陰之分間。行於五藏六府。今厥氣客於五藏六府。則衛氣獨衛其外。行於陽。不得入於陰。行於陽。則陽氣盛。陽氣盛。則陽蹻腦不得入於陰。陰

應呼吸

漏下晝

行於陽

夜行於

陰者與

皮膚之

榮氣相

將而行

於形身

之內外

出于咽

喉以貫

心脈者

從手太

陰而貫

於脈中

與動輸

篇合參

藏陰者

厥氣

虛故目不暇

此節與本經五味篇論三焦之義相同

張此論宗氣同榮氣行于脈中以應呼吸漏下衛氣行于脈外晝行于陽夜行于陰皮膚經脈之血氣交

相逆順而行也按五味篇曰大氣之搏而不行也積于胸中命曰氣海出于肺循咽喉故呼則出吸則

入此宗氣隨肺氣行于皮膚呼吸則氣出而八萬四千毛竅皆闔吸則氣入而八萬四千毛竅皆開此章論

宗氣貫心脈而行呼吸心脈者手心主包絡之脈包絡主脈是從心脈而行于十六經脈之中呼吸定息

脈行六寸晝夜一萬三千五百息脈行八十寸丈以終五十營之一周是宗氣營氣皆半行于脈中而半

行于脈外者也衛氣者慄悍滑疾獨行于脈外晝行于陽夜行于陰以司晝夜之開闔行于陽則目張而

起行于陰則目瞑而臥如厥逆之氣客于五藏六府則衛氣獨衛于外行于陽不得入于陰故目不暇愚

按衛氣不得入于陰則目不暇之論多有重見然各有意存學者宜體析明白○徐振公曰大惑篇云衛

氣不得入于陰則陽氣滿陽氣滿則陽踴盛此章陽字疑誤

馬此伯高言人之目不暇者以其陽氣獨行于外而內之陰氣亦虛也夫邪之感于人身令人目不得暇

或不臥而出于外者正以五穀入胃下者為糟粕之隧中焦為津液之隧上焦為宗氣之隧故宗氣積

于胸中者即上焦也出喉嚨以貫心脈而行呼吸一呼脈行三寸一吸脈行三寸呼吸總為一息則脈行

六寸凡人一日一夜計有一萬三千五百息則脈行八百一十丈其榮氣出中焦之氣降于下焦而生此

陰氣者泌其津液注之于脈化以為血以榮四支內隨宗氣以行于五藏六府經脈之中而百刻之內其

脈數與刻數相應也衛氣者由下焦之氣以升于中上二焦而生此陽氣但衛氣慄悍滑疾不隨宗氣以

行而先則必入于四肢分肉皮膚之間而不休者也晝行于陽經夜行于陰經然晝行陽經之時如行足太陽

經已畢則必入于足少陰腎經而又出行於陽經行足陽經已畢則亦必入於足少陰腎經而又出行于

陽經諸陽皆然止以陽退而陰氣弱故必入一而即出也所謂常從足少陰之分間行于五藏六府者如

▲大義見衛氣行篇今邪氣厥逆客于五藏六府則衛氣獨衛其外不得內入于陰惟其不得內入于

陰則外之陽氣盛而陽踴之脈不得入于陰致內之營氣虛

而陰踴之脈不得通于陽陽盛而陰虛此目之所以不暇也

黃帝曰善治之奈何伯高曰補其不足瀉其有餘調其虛是以通其道而去其邪飲以半夏湯一劑陰陽以

通其臥立至黃帝曰善此所謂決瀆雍塞經絡大通陰陽和得者也願聞其方伯高曰其湯方以流水千里

已外者八升揚之萬遍取其清五升煮之炊以葦薪火佛置秫米一升治半夏五合徐炊令竭為一升半去

其滓飲汁一小杯日三稍益以知為度故其病新發者覆杯則臥汗出則已矣久者三飲而已也

馬統稷之粘者

統音木

陽明主 秋全而 居中土 腎爲癸 水 仲祖名 甘瀾水 脈 主治

調此論調足少陰陽明之氣以通衛氣之行于內蓋衛氣之行于陰從手足陽明下行至足而交于足少陰從足少陰而注于五臟六腑故當調此二經之氣焉補不足者補衛氣之不足瀉有餘者瀉厥氣之有餘調虛實者調外內之虛實以通其道路而去其厥逆之邪半夏色白形圓味甘而辛陽明之品也月令五月半夏生感一陰之氣而生者也胃屬戊土腎藏天癸飲以半夏湯一劑者故一陰之氣上交于胃戊癸合而化大火土之氣則外內之陰陽已通其卦立至此所謂決瀆壅塞經絡大通陰陽得和者也夫腎為水藏而為生氣之原氣行則水滲胃乃燥熱之府而主中土欲得陰陽以合化通陰陽得和者也夫故用流水千里以外者所謂勞水也再揚之萬遍則水性無力不能助寒水上行矣八乃金之成數五乃土之生數陽明主秋金而胃居中土故用八升五升者助陽明之胃氣也葦乃水草故以葦薪者助水乃之生氣也米乃土穀而秋成置秫米一升者助胃氣也上古以腹中和小便利為知葦薪則汗出而已者正氣和而厥氣散衛氣得從其道而出入矣○徐振公曰厥陰者藏府之逆氣也氣本於足少陽腎而生于足陽明胃故調此二經之氣而逆氣自解矣曰陰陽已通陰陽相得而和也

通此言治目不瞑而行于外內之陰陽一謂少陰陽明之陰陽相得而和也
不得入于陰而陰虛營氣不足也當補其不足而瀉其有餘蓋不足為虛有餘為實所以調其虛實以通內外往來之道具然又飲以半夏湯一劑則陰陽已通其卦立至此所謂決瀆壅塞經絡大通陰陽得和者也今之三升餘也揚之萬遍濾其清者五升煮之即今之二升餘也故以葦薪及火沸之時又置秫米一升即即今之四合餘也治半夏五合即今之二合餘也徐徐炊之令竭之一升半即今之六合餘也去其滓飲汁一小杯一日之內服之者三次稍有所益自有所覺則漸可瞑矣凡病新發者覆杯則卧汗出則已病久者飲三

黃帝問於伯高曰願聞人之肢節以應天地奈何伯高答曰天圓地方人頭圓足方以應之天有日月人有兩目地有九州人有九竅天有風雨人有喜怒天有雷電人有音聲天有四時人有四肢天有五音人有五臟天有六律人有六腑天有久夏人有寒熱天有十日人有手十指辰有十二人有足十指莖垂以應之女子不足二節以抱人形天有陰陽人有夫妻歲有三百六十五日人有三百六十節地有高山人有肩膝地有深谷人有腋臑地有十二經水人有十二經脈地有泉脈人有衛氣地有草蓂人有毫毛天有晝夜人有臥起天有列星人有牙齒地有小山人有小節地有山石人有高骨地有林木人有募筋地有泉邑人有膈

肉。歲有十二月。人有十二節。地有四時。不生草。人有無子。此人與天地相應者也。

張此論人之形身四體。藏府陰陽。應天地之日月星辰。山川草木。人與天地參也。衛氣晝行于陽。夜行于陰。應天道之遠地。一周。一歲。而終。三百六十五度。日月五星。隨天道之環轉。風雨雷電。從天氣以施行。山川泉谷。上天之無不覆。蟄林木草。莫感天氣而生長。衛氣日行于陽。上至頭目口齒。下至足脛膝膈。四旁之四肢肢節。腠肉皮毛。夜行于陰。內循五藏六府。重于募筋。充于胸腹。人之身形藏府。應六氣之升降。五運之出入。衛氣之行。應天地之繞地環轉。而復通貫于地中。故曰地有泉水。人有衛氣。是衛氣非獨行于形身之外。內而復貫通于經脈之外。內者也。○徐振公曰。地有草。莫人有毫毛。女子月事。以時下者。滯滲皮毛之血也。男子衛任不盛。宗筋不成。則鬚不生。是以四時之草不生。以應人之與子。仇汝霖曰。上古有箕草。一莖三十葉。如月小則落。二十九葉。蓋以應女子之月事。以時下。

馬此伯高備言人與天地相應也。女子不足。二節。缺莖垂與。二莖也。以抱人形。故耳。

黃帝問于岐伯曰。余願聞持鍼之數。內鍼之理。縱舍之意。扞皮開腠。理奈何。脈之屈折。出入之處。焉至而出。焉至而止。焉至而徐。焉至而疾。焉至而入。六府之輸於身者。余願盡聞。少叙別離之處。離而入陰。別而入陽。此何道而從行。願盡聞其方。岐伯曰。帝之所問。鍼道畢矣。黃帝曰。願卒聞之。

張此問用鍼之理。而兼問血氣之行于皮膚經脈之外。內有出入。至止。離別之處。焉。皮膚者。脈外之氣分也。脈之屈折。出入之處。焉。至而出。焉。至而止。謂血氣之行于經脈外。內有至止。出入之處。而內鍼之理。何以為之。至止。疾徐也。六府之輸于身者。即手足三陽之本。標別離之處者。別經絡而出於氣街之處也。夫皮膚為陽。經脈為陰。離而入陰者。脈外之氣血。離皮膚而入于經脈也。別而入陽者。脈內之氣血。別經脈而入于皮膚也。此何道從行。願聞盡其方。伯言帝之所問。乃陰陽血氣之流行。知血氣之外。內則知所以用鍼矣。○仇汝霖曰。此因鍼道以明血氣之運行。出入。蓋鍼道與血氣之流行。皆合天地之大道。

馬此帝備問用鍼之義。及經脈出入離合之處也。鍼有所持之法。所內之理。或縱鍼而不必持。或捨鍼而不用。不復用扞人之皮。以開其腠。理此皆法之所當知也。其經脈有屈折。出入之處。何所至而出。鍼何所至而止。鍼何所至而用鍼。則徐何所至而用鍼。則疾何所至而入。鍼且六府之運於人身者。有別有離。何者。離陽而入于陰。何者。別陰而入于陽。此必有脈道以為之行也。故備問之。

岐伯曰。手太陰之脈。出于大指之端。內屈。循白肉際。至本節之後太淵。留以澹。外屈。上于本節之下。內屈。與陰諸絡會於魚際。數脈并注。其氣滑利。伏行壅骨之下。外屈。出于寸口而行。上至於肘內廉。入于大筋之下。內

靈樞經卷之八 卷八

屈曲 數上聲

馬音捨 巾叶訥 形也 入于有 氣之出 字謂衛 形單提 通篇論 衛氣二

屈上行。膈陰入腋。下內屈。走肺。此順行逆數之屈折也。

張此分論脈外之宗氣。循手太陰之經。順行而逆數也。夫宗氣之行于脈外者。從肺氣而出。故其氣滑利。伏行于壅骨之下。外屈出于寸口。而行外屈于本節之下。留以澹滲皮毛。手太陰之脈出于大指之

端。內屈循白肉際。至本節之後。太淵。內屈與諸陰絡會于魚際。數脈并注。上至于肘內廉。入于大筋之下。內屈上行。膈陰入腋。下內屈走肺。此太陰之脈。從指非而走。肺脈外之宗氣。從膈腋以上。魚。此順行逆數

之屈指也。

謂此伯言手太陰經之脈。有曲折出入。順逆之數也。手太陰肺經之脈。出于大指之端。少商穴。內屈之以循白肉之際。蓋白肉屬陰經。赤肉屬陽經。陰陽之經。以赤白肉際為界也。至本指節後。有太淵穴。大凡

脈會太淵。而留止于此。澹滲諸經。從外而曲上于本節之下。又從內而曲。與陰經諸絡會于魚際。但數經之脈。并注于此。其氣滑利。伏行壅骨之下。即掌後高骨也。又外注少曲。出于寸口。之太淵穴。而行故曰脈

會太淵也。上從經渠。列缺。孔最。又至肘內之使白穴。入于大筋之上。從內少曲。上行膈之陰廉。入腋。下之雲門。天府。又內曲而走于肺。此則從外而走內者為逆。若自雲門中府。以出少商。則自內而出外者為順。此乃順行逆

數之屈折也。

心主之脈。出于中指之端。內屈。循中指內廉。以上留于掌中。伏行兩骨之間。外屈。出兩傍之間。骨勾之祭。其氣滑利。上二寸。外屈。出行兩筋之間。上至肘內廉。入于小筋之下。留兩骨之會。上入于胸中。內絡于心肺。

張此分論行于脈中之宗氣。從心主之脈。營行于十二經脈之中。以應呼吸。漏下。其脈外之宗氣。亦隨本經。而屈折于皮膚之間。蓋宗氣之出于肺。而行于皮膚者。數于十二經脈之外。各從本經。而為逆順之

行。故行于心主之脈外者。外屈出兩筋之間。骨肉之際。其氣滑利。上肘臂二寸。外屈而澹滲于皮膚。順之之脈。出于中指之端。內屈。循中指內廉。以上。留于掌中。伏行兩骨之間。出行兩筋之間。上至肘外廉。入于

小筋之下。留兩骨之會。上入于胸中。內絡于心肺。此亦順行而逆數也。夫脈外之氣血。各隨本經。以分界。時故行于脈中者。隨脈而屈折于脈內。行于脈外者。亦隨本經。而屈折于脈外也。以上二節。論宗氣之留

于胸中。上出于肺。行於十二經脈之皮部。以司呼吸。開闔。上貫心脈。營于十二經脈之中。以應呼吸。漏下。內外內之相應也。

註此伯言心主之脈。有屈折出入。順逆之數也。心主之脈。即手厥陰心包絡之脈也。手少陰心經。本為君

其脈行于中指之端。中衝穴。從內少曲。循中指之內廉。以上。留于掌中。之勞宮穴。伏行于兩骨之間。外曲而行。出於兩筋之間。正骨肉之際。大陵穴。之所在也。其氣滑利。上于二寸之內關穴。又外屈。出行兩筋之

間上至肘之內廉曲澤穴入于小筋之下留于兩骨之會上入于胸之天泉天池而內給于心肺兩經此乃心主順行逆數之屈折也。大義見前本論篇第三節。

本論篇曰心出

于中衝

溜于勞

官注于

大陵行

于間使

入于曲

澤為合

手少陰

也

上篇論

手少陰

主氣手

心主

脈此申

明十二

經脈各

分皮部

各有氣

血各隨

黃帝曰：手少陰之脈獨無腧何也？岐伯曰：少陰心脈也。心者五藏六府之大主也，精神之所舍也。其藏堅固，邪弗能容也。容之則心傷，心傷則神去，神去則死矣。故諸邪之在于心者，皆在于心之包絡。包絡者，心主之

脈也。故獨無腧焉。

張此申明宗氣貫心脈而行呼吸之固。蓋血脈者心所主也。包絡代行其血氣者，君主無為而神明內藏，包絡之相代君行其令也。精神內藏，其藏堅固，故邪弗能傷心。傷則死矣。少陰心脈也。包絡者，心主之

脈也。獨無血氣也。

馬此承上文而明手少陰心經不必有治病之腧也。輸者穴也。前本論篇止言心出于中衝云云，而不言

乃所以藏神者，故為精神之所舍也。其藏堅固而邪弗能容，若邪容之則心傷而神去，人至於死矣。故凡

諸邪之在心者皆不在于心而在于心之包絡。此包絡者遂得以同于心主之脈，而即以心主稱之也。故

治病者亦治心包絡之穴而已。獨不取于心之輸者有以哉。

黃帝曰：少陰獨無腧者，不病乎？岐伯曰：其外經病而藏不病，故獨取其經于掌後銳骨之端。其餘脈出入屈

折，其行之疾徐皆如手少陰心主之脈行也。故本論者皆因其氣之虛實疾徐以取之。是謂因衝而瀉，因衰

而補。如是者，邪氣得去，真氣堅固，是謂因天之序。

張此承上文復申明少陰之無輸者，謂精神內藏不為各經轉輸其血氣，而少陰之經脈亦從外而滯于

內也。故外感于邪，獨取其掌後銳骨之神門穴。蓋病在外經而藏不病也。其餘手足十二經脈之出入

皆因其正氣之虛實以取之，而不因于邪也。因心氣之盛，而補瀉其腧也。八正神明論曰：因天之序，盛虛之時移，真堅固邪在外經而不傷于內，故止因正氣之盛虛而補瀉其腧也。八正神明論曰：因天之序，盛虛之時移，先定位正立而待，蓋心為陽中之太陽而上應于日，如衰而補之，以待日之方中，衝而瀉之，以待日之將昃，此承上文而明心經之病在外經而不在內臟，所以止取神門之穴而餘病則取包絡而已。夫諸邪之在

在心者，蓋治心之包絡則少陰心經獨不病乎？伯言心經之病在于外經，凡經脈之行于外者，偶病耳。

脈出入
 於折皆
 如手少
 陰心主
 之脈行
 此句申
 明前節
 之義
 若因于
 邪止取
 外經之
 神門固
 正氣之
 盛虛然
 後補寫
 其論

其心之內藏則不容病者也。故外經有病，獨取其掌後銳骨之端，神門穴耳。其餘脈之出入曲折，所行之徐疾，皆于手厥陰心包絡之脈行也。故本經本論篇謂治手少陰者，即治心包絡經，皆調其氣之虛實。疾徐以取之，是謂因邪氣所衝而瀉之，真氣衰而補之。如是者，則邪去而真固有以循天道四時之序矣。

黃帝曰：持鍼縱舍，奈何？岐伯曰：必先明知十二經脈之本末、皮膚之寒熱、脈之盛衰滑澹。其脈滑而盛者，病日進；虛而細者，久以持大以瀉者，為痛痺。陰陽如一者，病難治。其本末尚熱者，病尚在；其熱已衰者，其病亦去矣。持其尺，察其內之堅脆、大小滑澹、寒溫燥濕，因視目之五色，以知五藏而決死生。視其血脈，察其色，以知其寒熱痛痺。

論 此論審別病氣，在于皮膚經脈之外內，有出入盛衰之別也。本末者，十二經脈之本標，血氣之流行出入者也。皮膚之寒熱，病氣在于皮膚也。脈之盛衰滑澹，病氣在于經脈也。其脈滑而盛者，病日進于經脈之中；虛而細者，病外持于脈外也。夫在外者，皮膚為陽，筋骨為陰，脈大以瀉者，為寒熱痛痺也。如左右之陰陽如一者，病難治，謂皮膚筋骨之淺深皆病也。其本末尚熱者，病尚在于血脈之中，其勢已衰者，其病氣隨經脈之血氣，出于氣街而亦去矣。邪氣藏府篇曰：脈滑者，尺之皮膚亦滑，脈澹者，尺之皮膚亦澹。故持其尺，察其尺膚之堅脆、大小滑澹，以知皮膚分肉之寒熱燥濕也。五藏之血色，見于目，因視目之五色，以知五藏而決死生。蓋病在藏者，半死半生也。視其血絡，察其皮毛，以知痛痺之寒熱也。皮部論曰：凡十二經脈絡者，皮之部也。其色多青則痛多，黑則痺多，黃赤則熱多，白則寒。五色皆見，則寒熱也。此篇論榮衛宗氣，榮行出入于經脈之外內，故持鍼縱舍亦當察病氣之在于皮膚，在于經脈，或在內之五藏也。

註 此帝問持鍼縱舍之法，而伯先以視病之法言之也。第四節帝以持鍼之數、納鍼之法、縱舍之意問之，而伯尚未言，故此以持鍼縱捨為問。伯言必先明知手足十二經脈之本末，其各經何起何止也。皮膚之寒熱，各經之分肉，孰寒而孰熱也。及人迎氣口之脈，盛衰滑澹，其脈之滑而盛者，病當日進，脈之虛而小者，病久以持，若大而帶澹，當為痛痺，如人迎氣口如一，則脈為關格病，當難治。大義見四時氣禁服終始等篇。胸腹為本，四肢為末。凡本末尚熱者，其病尚在；凡本末之熱已衰者，其病亦去，不惟是也。又必持其尺部以察其肉之堅脆，脈之大小滑澹，體之寒溫燥濕，即本經論疾診尺篇所謂獨調其尺以言其病也。又以脈為五藏六府之精。此語見本經大惑論。視其目之五色，以知其五藏而決其死生，又視其血脈之陷下與否及經脈之五色，以知其寒熱痛痺。大義見本經經脈篇。斯可以行持鍼之舍之法矣。

真氣神
氣也神
氣出入
于皮膚
絡脈之
傷寒論
合參

黃帝曰持鍼縱舍。余未得其意也。岐伯曰持鍼之道欲端以正。安以靜。先知虛實。而行疾徐。左指執骨。右手循之。無與肉果。瀉欲端以正。補必閉膚。鋪鍼導氣。邪得淫泆。真氣得居。

張此論刺血脈而當養其真氣也。真氣者所受于天。與穀氣并而充身者也。縱舍者迎隨也。無與肉果者刺脈無傷肉也。

註此伯始以持鍼縱舍之法言之也。凡持鍼之道欲端以正。安以靜。先知病之虛實。以行疾徐之法。始用左按指其病人之骨。右手循穴以施其鍼。方鍼入時。無與肉果。欲行瀉法。必端以正。欲行補法。必閉其

膚。助鍼導氣。斯邪氣可淫泆。而散真氣得在內而居矣。

黃帝曰。扞皮開腠理。奈何。岐伯曰。因其分肉。左別其膚。微納而徐端之。適神不散。邪氣得去。

張此論刺皮膚而當養其神氣也。神氣者兩精相搏之所生。兩精者天乙之精。後天水穀之精也。

註此同第四節。扞皮開腠理之問。而伯言其有法也。所謂扞皮開腠理者。因其分肉之在何經。而扞分其皮。以開其腠理。而入刺之也。先以左手別其皮膚。然後右手微納其鍼。而徐徐端。正其鍼以入之。斯乃

扞皮開腠理之法。其神氣自然不散。而邪氣乃得去矣。

黃帝問於岐伯曰。人有八虛。各何以候。岐伯答曰。以候五藏。黃帝曰。候之奈何。岐伯曰。肺心有邪。其氣留于兩肘。肝有邪。其氣流于兩腋。脾有邪。其氣流于兩髀。腎有邪。其氣留于兩膕。凡此八虛者。皆機關之室。真氣

之所過。血絡之所遊。邪氣惡血。固不得住留。住留則傷經絡。骨節機關。不得屈伸。故病變也。

張此言五藏之血氣。從機關之虛。出于膚表。與榮衛宗氣之相合也。九鍼章曰。節之交。神氣之所遊行。出

入兩肘。兩腋。兩髀。兩膕。乃關節交會之處。心藏之神氣。從此而出。如五藏有邪。則氣留于此。而不得布

散矣。真氣之所過。謂在五藏之經脈。各從此而經過。邪氣住留。則傷經絡。謂邪在于皮膚。留而不入。則傷經

絡矣。此言機關之室。在于骨節之交。五藏之血氣。從此而出。于分肉皮膚。不涉于血脈也。故五藏有邪。則

氣留于此。如外感于邪。氣惡血流。滯于此。則骨節機關。不得屈伸。而病變也。按本篇論榮氣。行于脈中。衛

氣行于脈外。而宗氣貫心脈。而行于脈中。從手太陰。而行于脈外。衛氣行于外內。而交相出入者也。至于經

脈之血氣。屈折于外內之間。出入于本表之處。皆假邪客。以明正氣之留行。乃修身治民之大張本也。

靈蘭秘典論卷之八

從本經而出
前四留
字俱當
作流注
流故留
故下文
住留之
留注作
流

內訥
送去聲

通經

馬此明言八虛可以候五藏也。八虛者，即下兩肘兩腋兩髀兩膕之間，由五藏內虛，以致虛邪客之而為病也。肺之經脈自胸之中府以入兩腋之俠白等穴，心之經脈自肘上極泉以行于少海等穴，故肺心有邪，其邪氣當流于兩肘也。脾之經脈自足大指之隱白以行于脾之血海等穴，故脾有邪，其邪氣當流于兩足也。湧泉以行于膕之陰谷等穴，故腎有邪，其邪氣當流于兩膕也。▲膝後曲處為膕。凡此八者，皆機關之室，真氣之所過，血脈之所游，非邪氣惡血可以住留之所。若住留之，則經絡傷而骨節機關不得屈伸，其病常為拘攣矣。其始也，由五藏虛而邪氣流于八所，其既也，即八所而可以候五藏。故曰：八虛可以候五藏也。

通天第七十二

馬內言人有五等皆稟氣于天，故名篇。

黃帝問於少師曰：余嘗聞人有陰陽，何謂陰人？何謂陽人？少師曰：天地之間，六合之內，不離于五人，亦應之。非徒一陰一陽而已也。而略言耳。口弗能徧明也。黃帝曰：願略聞其意。有賢人，聖人心能備而行之乎？少師曰：蓋有大陰之人，少陰之人，太陽之人，少陽之人，陰陽和平之人。凡五人者，其態不同，其筋骨血氣各不同。
張一陰一陽者，始生之兩儀，應陰陽和平之人也。太陰少陰太陽少陽，應所生之四象也。人稟天地之氣而生，成此形氣，是以陰陽二十五人。章論地之五行以生此形，故論五音之形。此論人合天之陰陽四象，故篇名通天而論人之態也。

馬此舉五等之人而概言之，非徒有陰人陽人而已也。

黃帝曰：其不等者，可得聞乎？少師曰：太陰之人，貪而不仁，下齊湛湛，好內而惡出，心和而不發，不務于時，動而後之。此太陰之人也。

張趙庭霞曰：太陰之人，太偏于陰矣。具仁陰險，故貪而不仁。陰內而陽外，故好內而惡出。湛湛，清潔貌。下齊，謙下整齊，足恭之態也。心和而不發，陰柔之性也。不務于時者，不通時務也。動而後之者，見人之舉動而後隨之，柔順之態也。

註此即太陰之人而言之也。下齊湛者，內存陰險，外假謙虛，貌似下抑，整齊進然，無私也。好內而惡出，公已隨人後，起現人利害，以為趨避也。其深情厚貌，好狡虛詐之情如此。

少陰之人，小貧而賊心，見人有亡，常有得，好傷好害，見人有榮，乃反愠怒，心疾而無恩，此少陰之人也。

張趙氏曰：少陰之人，少偏于陰，故小貪然，陰險之心，局量偏淺，故常存賦害之心，利人之失，而忌人之得也。

註此即少陰之人而言之也。小貧者，比太陰之人則小異耳，其心以賦害為主，則同于太陰之不仁也。人有所失，彼則喜之，若己有得也。人有所榮，彼則忌之，若己有失也。好傷人，好害人，其心忌嫉而無恩者，此如

太陽之人，居處於於，好言大事，無能而虛說，志發於四野，舉措不顧是非，為事如常自用，事雖敗而無常悔。

此太陽之人也。

張趙氏曰：于于，自足貌。好言大事，無能而虛說，言大不慚，無必為之志也。志發于四野者，放曠而肆志也。舉措不顧是非者，恣意妄行，顛倒從違也。自用者，言不式古行不遵先也。雖敗而無常悔者，陽剛而矯強也。陽在外，故偏陽之人，好

誇張于外，而無內之寔行也。

註此即太陽之人而言之也。於於，無爭之意。好言大事，無能而虛說，即孔子之所謂其言之不作，則為之也。難者是也。志發于四野者，事不畏人知也。▲左傳云：裨謀謀於野，則獲謀於室，則否。此才性之蔽。為事如常為事，止庸常也。自用者，即中庸之所謂愚而好自用也。

少陽之人，諛諛好自貴，有小小官，則高自宜，好為外交，而不內附，此少陽之人也。

張趙氏曰：諛諛，好自貴者，好自審為貴也。有小官則高者，妄自尊高也。好外交而不內附者，陽性之外務也。

註此即少陽之人而言之也。諛諛者，凡事自審也。好自貴者，妄自尊貴也。

陰陽和平之人，居處安靜，無為懼懼，無為欣欣，婉然從物，或與不爭，與時變化，尊則謙謙，譴而不治，是謂至

治。

張趙氏曰居處安靜者恬憺虛無也無為懼懼無為欣欣者心安而不懼志閑而少欲也惋然從物或與不爭者與物無競與世不爭也與時變化者隨世變遷所謂禹稷顧同同道也居尊而謙其德愈光也諱而不治者無為而治也至治者不治之治也此陰陽和平之象賢人聖人心能備而行之則心正身修而可以乎治天下矣

註此即陰陽和平之人而言之也無為懼懼欣欣者不因物感而處有喜怒也尊則謙謙者位尊而愈自謙抑也▲易曰謙尊而光▼諱而不治無為而治也曰至治者不治之治也

古之善用鍼灸者視人五態乃治之盛者瀉之虛者補之
張偏陽之人瀉陽補陰偏陰之人瀉陰補陽此言鍼合天地人三才之道可以挽回天地陰陽之造化者也朱衛公曰陰陽之氣皆從下而上古之善灸者能改陰陽之氣以上行

黃帝曰治人之五態奈何少師曰太陰之人多陰而無陽其陰血濁其衛氣濇陰陽不和緩筋而厚皮不之疾瀉不能移之

張趙庭霞曰太陰之人多陰無陽故其陰血濃濁陽氣者通會于腠理無陽故衛氣所行之瀇滯也陰血多故筋緩血多氣少故皮堅而厚此陰陽不和之劇不之疾瀉不能移易也

註此言治太陰之人之有法也多陰而無陽與少陰之人多陰而少陽者異矣惟陰多故陰血濁惟無陽故衛氣濇惟多陰而無陽故陰陽不和况筋緩而皮又厚必當疾瀉以移其病也

少陰之人多陰少陽小胃而大腸六府不調其陽明脈小而太陽脈大必審調之其血易脫其氣易敗也
張趙氏曰在內者五藏為陰六府為陽多陰少陽故六府不調也陽氣生于中焦其陽明脈小者生陽之本不足也太陽之氣生于水中太陽脈大者寒水之氣盛也此陰陽不和故其血易脫而氣易敗必審察其氣虛以調之○問士先曰多陰無陽故不疾瀉其陰血則陰陽不能移易多陰少陽故宜調之蓋陰陽不和自不能交相廝守矣○朱衛公曰中下二焦之精氣互相資生而資益者也陽明脈小太陽脈大

註此言治少陰之人之有法也胃小故陽明之脈小也腸大故手太陽小腸之脈大也血易脫而氣易敗故當詳審以調之與疾瀉太陰之人者不同也

太陽之人多陽而少陰。必謹調之。無脫其陰。而瀉其陽。陰重脫者。陽狂。陰陽皆脫者。暴死。不知人也。

張趙氏曰。無脫其陰。而瀉其陽者。陽為陰之固也。若陰氣重脫。則陽為狂。陰陽皆脫。則為暴死。蓋陽為陰之固。陰為陽之守。陽氣生于陰中。陰重脫。則陽亦脫矣。

註此言治太陽之人之有法也。惟少陰故不可脫其陰。惟多陽故當以瀉其陽。若陽氣大瀉。則陽至重脫。其病為狂。若陰陽皆瀉。而至于脫。則當暴死。不知人也。

少陽之人多陽少陰。經小而絡大。血在中而氣外。寔陰而虛陽。獨瀉其絡。脈則強。氣脫而疾。中氣不足。病不起也。

張趙氏曰。經脈為裏。支而橫者為絡。小胃而大腸者。以上為陽。而下為陰也。經小而絡大者。以裏為陰。以表為陽也。血在中而氣外者。陰在內而陽在外。血為陰。而氣為陽也。故欲寔陰而虛陽。獨瀉其絡。脈則強。如瀉氣則氣脫。而疾致中氣不足。病不起矣。○閔士先曰。上節論瀉陽。當防其陰脫。謂陰陽之一氣也。此以血為陰。而氣為陽。充膚熱肉之氣。從裏之經。隧而出于絡。脈皮膚故欲寔陰。虛陽獨瀉。其絡脈則強。至于三焦通會之元。真不可瀉也。瀉之則疾脫。脫則中氣不足。病不起也。此章論陰陽之理。參伍錯綜。蓋陰陽者有名而無形。若以有形之腸胃經絡表裏上下。皆可以論陰陽者也。○朱衛公曰。陰陽血氣之原。流頭緒紛紜。須貫通全經而後可以無惑。

註此言治少陽之人之有法也。惟絡脈大故獨瀉其絡。脈則身強。若瀉之太過。以致氣脫。而出速。則中氣不足。病不能起也。

陰陽和平之人。其陰陽之氣和。血脈調。謹診其陰陽。視其邪正。安客儀。審有餘不足。盛則瀉之。虛則補之。不盛不虛。以經取之。此所以調陰陽。別五態之人者也。

張趙氏曰。陰陽之氣和。氣有陰陽也。血脈調。謹診其陰陽。血有陰陽也。視其邪正。安其儀容。形中之陰陽也。審其有餘不足。盛則瀉之。虛則補之。調其氣之盛虛也。如氣無盛虛。則以經取之。調其血之虛寔也。此所以調陰陽。別五態之人也。○朱衛公曰。始論無形之四象。而漸及于有形之五行。

註此言治陰陽和平之人之有法也。

黃帝曰。夫五態之人者。相與毋故。卒然新會。未知其行也。何以別之。少師答曰。眾人之屬。不知五態之人者。

註此言治陰陽和平之人之有法也。

母無同。辛音梓。

邪正謂儀容之邪正。

邪斜同。

邪正謂儀容之邪正。

邪斜同。

靈樞經合纂

卷八

故五二十五人而五態之人不與焉五態之人尤不合于衆者也

張氏曰此論視其狀而即知其態也蓋陰陽五態之人與五音之二十五人不同也尤不合于衆人者也故當視其形狀以別之○閔士先曰在天呈象在地成形天地合氣命之曰人故前章論五行之形

而後合于六氣此論陰陽四象而復合于有形

此帝以難知五態之人為慮而少師言常人不能知也下文乃詳言之

黃帝曰別五態之人奈何少師曰太陰之人其狀黢黢然黑色念然下意臨臨然長大臞然未偻此太陰之人也

張氏曰黢黢然者黑暗而無光明也念然下意即下齊足恭之意也身半以下為陰是以臨臨然明臞之長大也○朱衛公曰臞臞長大故俯恭于身半以上而臞未偻也念然下意而臞未偻者形容無

陽之人而作此態也

此言太陰之人之態也黢黢甚黑念然下意則上文下偻其狀之意也臨臨然長大之貌也其臞雖長大然直身而非偻之狀也

少陰之人其狀清然竊然固以陰賊立而躁嶮行而似伏此少陰之人也

張氏曰清然冷貌竊然者消阻閉藏之貌也以陰險賊害為心故有此態也其立也躁而不靜陰善躁也行而似伏者其內藏沈思反側之心故耳

此言少陰之人之態也清然者言貌似清也竊然者消阻閉藏之貌雖曰清然竊然寔以陰險賊為心即上文所謂賊心也而始有此態也其立也躁則不靜嶮則覘望其行也伏如偻僂此其內藏沈思反

側之心故耳較之太陰之人長大其臞然未偻此狀可以辨耳

太陽之人其狀軒軒儲儲反身折臍此太陽之人也

張氏曰車之向前曰軒軒軒者面高而軒昂也儲儲挺然之狀反身折臍者腹仰而偃然也此居處于于好言大事之人故有此狀也

此言太陽之人之狀也車之向前曰軒軒軒者猶俗云軒昂也儲儲挺然之意若反其身而在後視之則其臍似折亦不檢之態也

少陽之人其狀立則好仰行則好搖其兩臂兩手則常出于背此少陽之人也

張趙氏曰立則好仰即反身折騰之狀行則好搖者初陽生動之象也其兩臂兩手常出于背者謂常反挽其手于背此皆輕倨傲慢之狀無又手鞫躬之狀也

註此言少陽之人之態也據其態乃多動少靜非檢身若不及之道也

陰陽和平之人其狀委委然隨隨然顯顯然愉愉然踈踈然亘亘然眾人皆曰君子此陰陽和平之人也

張趙氏曰委委雍雍自得之貌隨隨不急遽也顯顯尊嚴貌愉愉和悅也踈踈目好貌亘亘有品也蓋存乎人者莫良于眸子胸中正故眸子瞭然而美好也此陰陽和平之人眾人皆曰君子蓋自賢人以至

子聖人皆可

馮此言陰陽和平之人之態也委委然安重貌詩君子偕老章有委委佗佗隨隨然不急遽也顯顯然尊嚴貌詩卷阿篇顯顯昂昂愉愉然和悅也論語云愉愉如也踈踈然固旋貌禮云周

子者未有不謹于禮者也蓋指出湯文武成王周公又詩指文王為豈弟君子則聖人亦可以君子稱也

官能第七十三

馮官者任也任其所能也即本篇第七節雷公有官能之問故名篇

黃帝問於岐伯曰余聞九鍼於夫子衆多矣不可勝數余推而論之以為一紀余司誦之子聽其理非則語余請正其道今可久傳後世無患得其人乃傳非其人勿言岐伯稽首再拜曰請聽聖王之道黃帝曰用鍼之理必知形氣之所在左右上下陰陽表裏血氣多少行之逆順出入之合謀伐有過知解結知補虛瀉實上下氣門明通于四海審其所在寒熱淋露以輸異處審于調氣明于經隧左右支絡盡知其會寒與熱爭能合而調之虛與實鄰知決而通之左右不調犯而行之明于順逆乃知可治陰陽不奇故知起時審于本末察其寒熱得邪所在萬刺不殆知官九鍼刺道畢矣

數去聲
令平聲
奇音奇

靈樞經卷第八 官能第七十三

明于五輸。疾徐所在。屈伸出入。皆有條理。言陰與陽合于五行。五藏六府亦有所藏。四時八風。盡有陰陽。各得其位。合于明堂。各處色部。五藏六府。察其所痛。左右上下。知其寒溫。何經所在。審皮膚之寒溫滑濇。知其所苦。膈有上下。知其氣所在。先得其道。滌而疏之。稍深以留。故能徐入之。大熱在上。推而下之。從下上者。引而去之。視前病者。常先取之。大寒在外。留而補之。入于中者。從合瀉之。鉞所不為。灸之所宜。上氣不足。推而揚之。下氣不足。積而從之。陰陽皆虛。火自當之。厥而寒甚。骨廉陷下。寒過于膝。下陵三里。陰絡所過。得之留止。寒入于中。推而行之。經陷下者。火則當之。結絡堅緊。火所治之。不知所苦。兩蹻之下。男陰女陽。良工所禁。鉞論畢矣。

張五輸者五藏五輸五五二十五輸六府六六三十六輸本經云因其氣之寔虛疾徐而取之故明

于五行者言五藏六府合于天之陰陽地之五行也五藏六府亦有所藏者五藏藏五神志六府傳導水穀肥為中精之府膀胱為津液之所藏也四時八風盡有陰陽各得其位合于明堂者五色篇之所謂黃赤為風青黑為痛白為寒五色各見其部察其浮沉以知淺深視色上下以知病處也五藏六府察其所痛在身形之左右上下則知寒溫之邪在于藏府之何經也審皮膚之寒溫滑濇知其所苦者邪氣藏府篇之所謂脈滑者尺之皮膚亦滑脈濇者尺之皮膚亦濇心脈滑甚者為善渴濇甚為瘖是也膈有上下其氣所在者膈上為宗氣之海上焦開發宣五穀味重膚充身澤毛者也膈下乃胃府中焦之分三焦出氣以溫肌肉充皮膚者也故知其氣之所在先得其所出之道路稀而疏之以導氣之出也稍深以留以致穀氣知穀氣已致故能徐而入之復使氣之入也身半以上為陽身半以下為陰大熱在上故當推而下之使下和于陰也從下上者熱厥也熱厥之為熱也不起于足現身上故當引行于上而去之故大熱在上由中焦之所生熱厥于下因酒入于胃氣聚于脾中不得散故現身上以前痛者當先取之此氣因于中當先取之中焦也太陽之上寒氣主之太陽之氣主于膚表大寒在外寒水之氣在表也故當留而補之候陽氣至而鉞下熱補其陽以勝其寒也如寒邪入于中者從合以瀉之夫合治內府使寒邪從腸胃以瀉出之也夫寒氣之甚于外而入于中者因陽氣之在下也故鉞所不能為足之所宜也上氣不足者推而揚之下氣不足者積而從之謂氣本于下之所生也陰陽皆虛火自當之蓋艾能于水中取火能啟陽氣于陰中也厥而寒甚起于廉骨下之脇中而上逆于膝此寒厥也寒厥起于足五指之裏集于膝下而聚于膝上蓋氣因于中腸氣衰不能滲榮其經絡陽氣日損陰氣獨在故為之寒是以取陽明之下陵三

里以補之。此寒厥之在氣也。若寒氣從絡之所過得之則留而止之。如寒入于中則當推而行之。此治寒厥之法也。經氣陷下以火灸之。結絡堅緊者。中有着血。血寒故火所治之。調經論曰。病不知痛兩踠為上。蓋陽踠陰踠並起于足踠。上循胸裏。故痛在踠脈之上者。不知痛處也。是以不知所苦痛者。當取兩踠于踠下也。男子數其陽。女子數其陰。故男取陰而女取陽。此良工之所禁也。能知藏府陰陽寒熱虛實表裏上下。補瀉疾徐。鍼論畢矣。

註 此帝詳鍼論以問伯也。五藏有并榮俞經合之五俞。六府有并榮俞原經合之六輸。然六府之原并于俞。則皆可稱為五輸也。徐疾者。鍼法也。九鍼十二原。小鍼解云。徐而疾則實。疾而徐則虛。屈伸出入者。經脈往來也。見邪客篇。屈折順逆之數。言陰與陽合于五行者。泛言陰陽分而為五行也。五藏六府亦有所藏者。指人身有陰陽五行也。八風見九官八風篇。各得其位。合于明堂各處色部者。言人身之面部各得其五行之位。合于明堂及各處之色部也。大義見五色篇。其面部之分為五臟六腑者。可。以察其身形之所痛。五色篇云。沉濁為內。浮沉為外。黃赤為風。青黑為痛。白為寒。黃而青。潤為膿。赤甚者。為血痛。甚者。為學。寒甚。為皮不仁。其色見于左右上下者。可知其何經之寒。溫又審皮膚之寒。溫滑濇。斯能知其病之所若也。且膈有上下。心肺居于膈上。脾胃居于膈中。肝腎居于膈下。必知其病氣之所在。先得其經脈之道。然後可以用鍼。稀者。鍼之少也。疎者。鍼之濶也。終始篇云。疎取之上。深者。深入其針也。留者。久留其鍼也。即如有大熱在上。則當推鍼而使之下。所謂高者。抑之也。熱從下而上。則當引鍼而取其邪。所謂外者。發之也。視光痛者。當先取穴以刺之。所謂凡病。則先治其本也。素問標本病傳論。本經病傳篇。除大小便不利外。皆當治其本。又如大寒在外。則留其鍼以補之。大寒入中。則從合穴以瀉之。凡病有鍼所不當用者。即用灸以治之。又如上有氣不足。則推入其鍼以揚之。而使上氣之足。下氣之不足。則積其鍼以慎之。而使下氣之足。若陰陽皆虛。而鍼所難用。則用火以灸之。又有厥而寒甚。或廉骨下陷。或寒過於膝。則取下陵三里以補之。下陵三里穴。即三里見本輸篇。又有陰絡所過為寒。留止。或寒入于中。則必推其鍼而行以散之。又有經脈陷下者。則推灸以當之。經脈篇云。陷下則灸之。禁服篇云。陷下則徒灸之。徒但也。又有絡脈結而堅。繫者。亦用灸以治之。倘不知病之所苦。及男子以陽踠為經。陰踠為絡。女子以陰踠為經。陽踠為絡。見脈度篇。故男女忌取陰踠。女子忌取陽踠。乃良工所禁。此鍼論之所以畢也。

用鍼之服必有法。則上視天光。下司八正。以辟奇邪。而觀百姓。審于虛實。無犯其邪。是得天之露。遇歲之虛。

救而不勝。反受其殃。故曰。必知天忌。此節與八正神。明論大義相同。

張 閱士先曰。服事也。言用鍼之事。當合于天時也。夫鍼者。所以候氣也。故當上視天光。因天之序。感虛之時。移光定位。正立而待。蓋俟天之陽。以助人之氣也。下司八正。所以候八風之虛邪。以時至者也。虛實

者人氣之有盛衰也得天之露者清邪中上陽中霧露之氣也過歲之虛者
逢年之虛值月之空失時之和救而不能勝邪則反受其殃故曰必知天忌

註此言用鍼之事必當知天忌也服事也。此二句出入正神明論又詩小雅六月篇云共武之服大雅
板篇云我言維服。上視天光即八正神明論之所謂天寒無刺天溫無鍼月生無瀉月滿無補月郭

也所謂得天之露者本經歲寒篇黃帝曰願開歲之所以避八風故八正神明論謂八正之虛邪而避之勿犯
此者常以冬至之日太乙立于叶蟄之宮其至也天必應之以風雨者矣咸雨從南方來者為虛風也即

從後來者為虛風下四方同。入客于骨而不發于外至其立春陽氣大發風從西方來萬民又皆中於
虛風此兩邪相搏經氣代結者矣故諸逢其風而遇其雨者命曰遇歲露焉皆指天之風雨為露也所謂

遇歲之虛者本經歲露篇曰乘年之衰逢月之空失時之和因為賊風所傷是謂三虛逢年之盛過月之
滿得時之和雖有賊風邪氣不能危之也故得天之風雨而又遇歲之虛則雖救之而不能勝反受其所

害矣故八正神明論又曰
天忌不可不知者此也

乃言鍼意發于往古驗于來今觀于窈冥通于無窮粗之所不見良工之所貴莫知其形若神髣髴

正神明論大
義亦相同

張問氏曰法于往古者先知鍼經也驗于來今者先知日之寒溫月之虛盛以候氣之浮沉而調之于身
觀其立有驗也觀于窈冥者言形氣榮衛之不形于外而工獨知之通于無窮者可以傳于後世也是

也視之無形嘗之無味故莫知其形若神髣髴
故工之所以異也然而不形見于外故懼不能見

註此承上文而言鍼意之妙無形而至神者也八正神明論岐伯曰法往古者先知真經也驗于來今者
先知日之寒溫月之虛盛以候氣之浮沉而調之于身觀其立有驗也觀其窈冥者言形氣營衛之不

形于身而工獨知之以日之寒溫月之虛盛四時氣之浮沉參伍相合而調之工常先見之然而不形于
外故曰觀于窈冥焉通于無窮者可以傳于後世也是故工之所以異也然而不形見于外故俱不能見

也視之無形嘗之無味
故謂冥冥若神髣髴

邪氣之中人也灑淅動形正邪之中人也微先見于色不知于其身若有若無若亡若存有形無形莫知其

情是故上工之取氣乃救其萌芽下工守其已成因敗其形
註此與八正神明論本經邪氣藏府病形篇
大義俱相同據兩篇當以虛邪正邪為說

中去聲

靈區經入論

卷八

十一

張開士先曰此言虛邪傷形而正邪中氣也虛邪者虛鄉不正之邪風如春時之風從西方來夏時之風從北方來蓋人秉地之五行而成此形是以五方正之氣而傷人之形也正邪者風寒暑溼燥火天身若有若無莫知其情是故上工之取氣乃救其萌芽必先見三部九候之氣盡調不敗而救之其已成救其已敗救其已敗者不知三部九候之相失因病而敗之也

註此言邪氣之微而上工能蚤救之也酒浙惡寒貌動形者振動其形也八正神明論曰虛邪者八正之形篇曰虛邪之中身也酒浙動形正氣之中人也微先見于色不知于身若有若無若亡若存有形無形莫知其情又八正神明論曰上工救其萌芽必先見三部九候之氣盡調不敗而救之故曰上工下工救其已成者言不知三部九候之相失因病而敗之也上工論氣不論形所以預取其氣而蚤救其萌芽彼下工則反是矣

是故工之用鍼也知氣之所在而守其門明于調氣補瀉所在徐疾之意所取之處瀉必用圓切而轉之其氣乃行疾而徐出邪氣乃出伸而迎之選大其穴氣出乃疾補必用方外引其皮令當其門左引其樞右推其膚微旋而徐推之必端以正安以靜堅心無懈欲微以留氣下而疾出之推其皮蓋其外門真氣乃存用鍼之要無忘其神

張問次曰知氣之所在者知病氣之所在而守其門門者邪循正氣之所出入也明于調氣者知氣之實虛而為之補瀉以疾徐之意而取之也瀉必用圓者圓活而轉之其氣乃行也疾出而徐出者疾而徐則虛也邪氣乃出則定者虛矣搖大其穴以出其鍼則邪氣乃疾出矣補必用方者外引其皮令當其穴門左手引其樞轉右手推其膚微旋轉其針而徐推之其鍼必端以正安靜以候氣至堅心而無懈惰微留其鍼候氣下而疾出之推其皮以蓋其外門則真氣乃存于內矣用鍼之要貴在得神蓋存己之神以俟彼之神也○朱衛公曰按素問八正神明論曰瀉必用方補必用圓蓋方與圓非鍼也乃用鍼之意耳且方圓者天地之象也天氣下降氣流于地地氣上升氣騰於天天地之氣上下相交是以方圓之意皆可圓活用之

註此承上文而言上工因氣以行補瀉之法其要則在于守神也八正神明論曰知其所在者知診三部九候之病脈處而治之故曰守其門戶焉正本節之所謂明于調氣補瀉所在徐疾之意所取之處也瀉必用圓補必用方八正神明論作瀉必用方補必用圓者是其也岐伯曰瀉必用方者以氣方盛也以月方滿也以日方溫也以身方定也以息方吸而納鍼乃復候其方吸而轉鍼乃復候其方呼而徐引鍼故

達搖同
解懈同
圓當作
方方當
作圖

論疾診尺第七十四

釋 篇內詳論名疾診尺知病故名篇

黃帝問于岐伯曰余欲無視色持脈獨調其尺以言其病從外知內為之奈何岐伯曰審其尺之緩急小大滑濇肉之堅脆而病形定矣

釋 此章以論疾診尺從外知內論疾者謂論其疾而知其證診視也診尺者謂視其尺脈而知其內不待視面上之色持手太陰之脈獨調其尺以知其病也夫胃者水穀血氣之海也故行于脈中者至于太陰之兩脈日持其脈以知藏府之病血氣之行于脈外者從手陽明之大絡循經脈之五里而散行于尺

膚故審其尺之緩急大小滑濇肉之堅脆而病形定矣蓋太陰主陰陽明主陽藏府雖離相合氣血色脈脈之相應也故藏府邪氣篇曰脈急者尺之皮膚亦急脈緩者尺之皮膚亦緩脈小者尺之皮膚亦減而少脈大者尺之皮膚亦濇而大乃手陽明之色與手

太陰之脈相應者也

釋 此言審尺部之脈與肉而可以知病形也本經邪氣臟腑病形篇曰脈急者尺之皮膚亦急脈緩者尺之皮膚亦緩脈小者尺之皮膚亦減而少氣脈大者尺之皮膚亦濇而起脈滑者尺之皮膚亦滑脈濇者尺之皮膚亦濇

肉而病形自定也愚謂診人病時惟臂至尺澤可驗難以周身知之故立以尺言也

視人之目窠上微癰如新卧起狀其頸脈動時欬按其手足上胷而不起者風水膚脹也

釋 此論其疾而知其病也足太陽之脈起于兩目而下出于頸項太陽之上寒水主之太陽之氣運行于膚表此水隨氣而溢于皮膚之間故目窠微腫頸脈動而膚脹欬者水流于皮毛而動其肺氣也風水者因外受于風

風行而水渙也

釋 此驗風水與膚脹之法也目窠者目下也胷者沉也視人之目窠上微有癰起如新卧起之狀蓋凡人穴所以脈動而發之為效也按其手足胷然不起此風水與膚脹之症候相同者也按水脹論岐伯曰水始起也目窠上微腫如新卧起之狀其頸脈動時欬陰股間寒足胷腹乃大其水成矣以手持其腹如

裏水之狀此其候也大脹論水證與此節風水大同而此節所按在手足不按其腹此節按手足胷而不起水脹論按腹如裏水之狀意者水與風水其手足腹胷大而按之之時胷而不起為風水胷而起者止

癰癰同
胷同

為水液所潤下節有尺膚滑而淖澤澤脂皆為風則水證未必然也此二證之可辨數又按水脈論言膚張者寒氣客于皮膚之間髮變而不堅腹大身盡腫皮膚厚按其腹窮而不起腹色不變此其候也夫水腫論以按其腹窮而不起腹色不變為膚脹今此節按手足不言腹蓋言手足而腹在其中矣

尺膚滑其淖澤者風也尺肉弱者解你安卧脫肉者寒熱不治尺膚滑而澤脂者風也尺膚濇者風痺也尺膚粗如枯魚之鱗者水洩飲也尺膚熱甚脈盛燥者病温也其脈盛而滑者病且出也尺膚寒其脈小者泄

少氣尺膚炬然先熱後寒者寒熱也尺膚先寒久大之而熱者亦寒熱也

張此論診尺而知內外之病也夫津液淖澤于皮膚故尺膚滑其淖澤者知風在于皮膚而鼓動其津液也脂者肌肉文理間之脂膜尺膚滑而澤脂者風在于肌肉間也夫在外者皮膚為陽筋骨為陰病在陽者名曰風病在陰者名曰痺如尺膚濇者此風痺于筋骨間也此以尺膚之淖澤滑濇而知風邪之淺深也肌肉者五臟元真之所通會脾土之所主也故尺肉弱者主脾土虛而解你安卧解你者懶怠也脫肉者形損也寒熱者陰陽血氣虛也陽虛則發寒陰虛則發熱陰陽形氣皆已虛脫故為不治如枯魚之鱗者皮膚起寒粟也寒者水之氣此水邪沃飲于內故寒色見于外也温病者寒毒藏于肌膚至春發為温病故尺膚熱甚而脈盛燥者知其為病温也其脈盛而滑者知病且出于外也尺膚寒其脈小者少氣蓋氣者所以温膚熱肉從陰而生自內而外故知其泄于內而虛于外也此診其尺而知內因之病也尺膚之先熱後寒先寒後熱而皆為寒熱者尺膚主三陰三陽之氣也

張此承上文而言詳審尺脈尺肉可以定諸病也尺之皮膚滑潤而澤脂者風也其內弱者主解你安卧蓋弱不弱強不强寒不寒熱不熱為解你不能自益故安卧耳若肉不但弱而至于脫者病當為寒熱不可治之病也尺之皮膚滑潤而澤脂者風也上節言按其手足皆而不起者為風水膚脹而此以膚滑而澤者為風信乎故知有風必有滑而潤澤如脂膏者真為風也若尺之皮膚濇者乃風痺也素問痺論曰以風氣勝者為行痺尺之皮膚甚粗如枯魚之鱗者不但燥濕而已則為水洩飲之證也本經邪氣之府病形篇有肝脈濇甚為溢飲尺膚熱甚其脈盛躁當為温病也其脈雖盛不至于躁而帶滑者則病當自出矣尺之皮膚寒冷其脈小者主下泄及正氣衰故身寒而脈小也尺之皮膚炬然如火而先發其熱後乃為寒及先發其寒而後乃為寒者皆為寒熱之病也

肘所獨熱者腰以上熱手所獨熱者腰以下熱肘前獨熱者膺前熱肘後獨熱者肩背熱臂中獨熱者肘腹

熱肘後麗以下三四寸熱者腸中有蟲掌中熱者腹中寒魚上白肉有青血脉者胃中有寒

從尺澤而上故曰尺以內分寸故曰寸

精微以手平于九上以候左右前後上下

悅問同

張 夫手太陰之脈從指井之少商過于輸行于經而入于肺之尺澤脈外之氣血從手陽明之五里走尺

以寸之陽以候以上尺之陰以候以下寸而下尺以候身所自尺而上寸也肘所獨熱者腰以上熱手

所獨熱者腰以下熱此診尺膚以候形身之上下故與脈候之上下反其診也肘前乃手厥陰之所澤處

者論手臂之背面臂中掌中魚上乃手臂之正面背面為陽故候形身之外正面主陰故候腰腹腸胃之所

內即尺外以候季脇尺裏以候腹中之大義相同也夫人生于天地六合之內其血氣之流行升降出入

應天運之環轉于上下四旁是以脈要精微論以尺寸之外內前後上下候形身之外內前後上下此章

以手臂皮膚之前後內外候身形之前後上下內外蓋脈內之血氣應地氣之上騰于天脈外之氣血應

天氣之下流于地人與天地參也

張 此即肘手臂掌諸所之冷熱而診其各病皆承上文調尺言病之意而并及之也人之手自曲池以上

所獨熱者其腰以下必熱肘之前廉即內廉也據大體為在前故以內廉為肘前肘前獨熱者主前之膈

者主後之肩背有熱蓋肘之外廉與背蓋屬陽也至于臂中獨熱者其臂外熱主腰有熱臂內熱主

尺炬然熱人迎大者當奪血尺堅大脈小甚少氣悅有加立死

張 尺炬然熱人迎大者三陽之氣偏盛也故當主奪血夫皮膚為陽血脈為陰

尺堅大脈盛小者陽盛而陰絕于外也少氣悅有加者陽盛而陰絕于內也

張 此又承上文診尺之未盡者而備言之也尺之皮膚炬然而熱其左手寸部人迎之脈大者當有去血

之證也愚意尺堅則腎水不足左寸脈大則心火有餘其去血者宜矣尺之皮膚堅而且大而脈

躁悶有加則立死也

目色赤者病在心白在肺青在肝黃在脾黑在腎黃色不可名者病在胸中

張 此以目色而候五藏之血氣也五藏之血氣行于脈中而變見于寸口五藏之氣血變見于色而出于

目中蓋五藏之精皆上注于目而為之睛也前節視目窠以知皮膚之水此節視目色以知五藏之陰

診血脈者多赤多熱多青多痛多黑為久痺多赤多黑多青皆見者寒熱

此以皮部之色而知血脈之寒熱也皮部論曰凡十二經脈者皮之部也其色多青則痛多黑則痺黃赤則熱多白則寒五色皆見則寒熱也

註此言診血脈之有法也凡診血脈者必自其各部之分肉而視之

身痛而色微黃齒垢黃爪甲上黃黃坦也安卧小便黃赤脈小而澇者不嗜食

註素問平人氣象論篇云弱黃赤安卧者黃疸已食而

飢者胃疸

張此論中土之病統見于五藏之外合土灌于四藏也身痛病見于肉也色黃病見于皮也齒垢黃病見于骨也爪甲上黃病見于筋也黃疸脾家病也脾病故解條安卧小腸為赤腸心之府也心主血脈小便赤黃脈小而澇病見于脈也小便赤黃下焦熱也不嗜食上焦虛也蓋土位中央而上下四旁皆為之應

註此言診黃疸之有法也

人疾其寸口之脈與人迎之脈小大等及其浮沉等者病難已也

張此論人迎氣口與手太陰兩寸口之脈各有所候也寸口者手太陰之兩脈分寸關尺三部以候藏府之血氣者也人迎氣口者候三陰三陽之氣也人病其寸口之脈與人迎之脈大小浮沉等者此表裏

陰陽血氣之病故為難已按人迎氣口以左為陽而右為陰手太陰之兩脈以寸為陽而尺為陰是以表裏崔紫虛四言舉要曰關前一分人命之主左為人迎右為氣口蓋亦有所本也夫寸口者在太淵之分關

前一分者寸關之間也寸關尺三部以候內之五藏六府人迎氣口以候外之三陰三陽所候不同而所取之部位亦有別也是以手太陰之兩寸寸口寸口又曰脈口又曰氣口蓋各有部位之分故名

亦有別也五色篇曰脈之浮沉及人迎與氣口小大等者病難已蓋左右三部之脈以候血脈左右之人迎氣口以候三陰三陽之氣故曰氣口○朱衛公曰此篇論尺故兼論人迎蓋尺膚與人迎氣口相應也

註此言診病有難已之法也素問六節藏象論本經禁服終始四時氣等篇皆以寸口探足手六陰經之病為內傷以人迎探手六足陽經之病為外感故寸口大者為關人迎大者為格今寸口與人迎之脈

大小浮沉相等者其內傷外感俱未能自已也

女子手少陰脈動甚者妊子

註素問平人氣象論云婦人手少陰脈動甚者妊子也與此同

越人以地土成形故以右腎主

嬰兒之頭毛從先天而生

辨音辨內從力強孫同此言血脈又本于中焦水穀之所生

張此論人之始生本于先天之水火也。手少陰者兩手之少陰腎脈也。蓋胎繫于腎，故少陰之脈動甚也。夫胎始成形，先生兩腎，猶太極中之陰陽，陰陽分而五行備，五行備而胎始成。是以女子手少陰之脈動甚者，主妊子也。閱士先曰：此篇論診尺，若以手少陰心脈論之，則失其經旨矣。且本經云：陰搏陽別，謂之有子。夫寸為陽，尺為陰，陰搏者尺脈滑利也，陽別者與寸關之有別也。○趙庭震曰：動甚者動脈也，厥脈動搖狀如小豆，與滑脈之流利如珠同形，蓋有諸內而形諸外也。○朱衛公曰：動在左者先感天一之形，故主男；動在右者先感地二之氣，故主女。越人以胎繫于命門者，謂氣之所感非着于右腎也。試按男子之胎多偏于左。

張此言診女子有子之法也。手少陰者心也，為左手寸部，心與小腸為表裏，而小腸為手太陽，故少陰脈動則太陽之脈亦動也。所以女子有妊者當為男子之應，後世以足易手字，蓋以腎脈不止為有妊也。不知此子者乃男子也，不然則素問靈樞字皆誤乎。▲脈訣云：太陽大是男，脈手足太陽也。▼

嬰兒病其頭毛皆逆上者必死

張此論人之血氣本於先天所生，而上下環轉者也。嬰兒者始生之兒，毛髮者血之餘，少陰精血之所生也。髮復下垂以應人之血氣，從下而升，復從巔而下，若髮上逆，是惟生而無降矣，并降息故不免于死亡。此言診嬰兒病之有法也。頭毛逆上則血枯而不潤如草之枯者相似，故以死擬之。然曰病則無病之時尤宜忌也。

耳間青脈起者掣痛

張腎主骨而開竅於耳，故耳間青脈起者當主筋骨掣痛。故承上文而言人之血氣始於先天腎藏之所生。

張此言診身中掣痛之有法也。上文診血脈之多青者為痛，以青為寒也。今耳間有青脈起，則少陽陽明諸經有寒，故為身中牽掣而痛也。

大便赤辨飧泄脈小者手足寒難已飧泄脈小手足溫泄易已

張按海篇辨溲莧切瓜

張辨別也。大便赤辨者謂黃赤之間別也。蓋中焦泌糟粕，蒸津液，乃化而為血，獨行于經隧，命曰榮氣，水穀常并居于胃，成糟粕而俱下于大腸，濟泌別汁而滲入于膀胱，如大便赤辨乃中焦之血與糟粕並下矣。飧泄，大腸虛而不能濟泌矣。此腸胃虛泄于下中焦之汁不能榮于脈中，故脈小也。若手足溫者，得下焦之生氣，故泄易已。此言中焦水穀之精微又藉下焦之生氣以合化。○閱士元曰：本經凡論臟論疾之中，隱括陰陽血氣之生始出入，能明乎正氣之所從來，然後知邪病之淺深，外內學者當體認毋忽。

瘧熱者
熱在肌
肉而消
種也

註此言診便泄有難易之法也凡大便有赤辨或飧泄赤當為熱而下迫亦主于火也今脈小而手足寒則是證脈相背所以為難已也若止于飧泄脈體亦小但得手足尚溫則泄亦易已矣
四時之變寒暑之勝重陰必陽重陽必陰故陰主寒陽主熱故寒甚則熱熱甚則寒故曰寒生熱熱生寒此陰陽之變也

註此言人之陰陽血氣應四時之寒暑往來而有寒熱陰陽之變蓋變化者陰陽之道也邵子曰少不變而老變故重陰必陽重陽必陰寒甚則熱熱甚則寒

故曰冬傷於寒春生瘧熱久傷于風夏生飧泄腸游夏傷于暑秋生痲瘧秋傷于濕冬生咳嗽是謂四時之序也
註此節與素問陰陽應象大論第九節大義相同

註此承上文申明陰陽寒熱之變冬傷于寒春生瘧熱者寒毒藏于肌膚至春時人之陽氣外出寒隨氣而化熱故春發為瘧熱之病夏傷于暑秋生痲瘧者暑氣藏于募原至秋時人之陰氣外出邪隨氣而發為痲瘧痲瘧者陰瘧也此寒暑之伏邪隨人氣之外內出入也夫天之寒邪化為瘧熱天之暑邪化為陰瘧此天之陰陽又隨人氣之變化也夫陽者天氣也主上陰者地氣也主下風乃天之陽邪故傷于風者上先受之濕乃地之陰邪故傷于濕者下先受之陽病者上行極而下是以春傷于風夏生飧泄陰病者下行極而上是以秋傷于濕冬生咳嗽此天地之陰陽又隨四時之上下升降也○趙庭霞曰人之陰陽出入隨四時之寒暑往來故曰四時之變寒暑之勝至于陰陽寒熱之變有因于天氣者有因于人氣者○關士先曰冬時陽氣伏藏于內裏氣鬱故寒毒藏于肌膚夏時陽氣發越于外裏氣虛故暑氣藏于募原長夏濕土主氣太陰之氣主七月八月故秋傷于濕募原者藏府之膏膜在腸胃之外是以瘧邪感透發不出者若流于空郭之中則成鼓脹近時多用斷瘧之法其誤人不淺矣

註此言陰陽有四時之變而即四時之病以證之也夫四時有變以寒暑之相勝也重陰則變而為陽矣故陰主陽而寒甚則必熱故曰寒生熱也重陽則必變而為陰故陽主熱而熱甚則必寒故曰熱生寒也此乃陰陽之變也試觀冬傷于寒而至春變為瘧熱之病春傷于風而至夏變為飧泄腸游之病則寒生熱之義可見矣夏傷于暑而至秋變為痲瘧之病秋傷于濕而至冬變為咳嗽之病則熱生寒之義可見矣此雖四時之變要亦四時之序為之也

刺節真邪第七十五

註前論刺有五節後論有真氣有邪氣故名篇

黃帝問於岐伯曰。余聞刺有五節。奈何。岐伯曰。固有五節。一曰振埃。二曰發矇。三曰去爪。四曰撒衣。五曰解節。肢絡也。撒衣者。盡刺諸陽之奇輸也。解惑者。盡知調陰陽。補瀉有餘不足。相傾移也。

此章論真氣游行出入于肢節皮膚經脈之間。皆當調之和平。導其通利。真氣者。所受于天。與穀氣并而充身者也。受于天者。先天所生之精氣。穀氣者。水穀所生之榮衛。宗氣津液也。節之交三百六十五。會神氣之所游行出入。故曰刺節。有因真氣不調。有為邪氣所阻。故篇名刺節真邪。○趙庭震曰。兩精相搏。謂之神。兩精者。先天之精。後天水穀之精。是真氣。即是神氣。分而論之。各有其名。合而論之。總處中下二焦所生之血氣也。

此言刺有五節。而先指各經之所用也。振埃者。如振絡塵埃也。其法刺其外經。以去陽氣大逆之病耳。發矇者。開發矇曠也。其法刺其府輸。以去其府病耳。去爪者。如脫去爪也。其法刺其關節肢絡。耳。撒衣者。如撒去衣服也。其法盡知調陰陽諸經之虛實。以移其病耳。

黃帝曰。刺節言振埃。夫子乃言刺外經。去陽病。余不知其所謂也。願卒聞之。岐伯曰。振埃者。陽氣大逆。上滿于胸中。憤膈肩息。大氣逆上。喘喝坐伏。惡病埃煙。髓不得息。請言振埃。尚疾于振埃。黃帝曰。取之何如。岐伯曰。取之天容。黃帝曰。其效上氣窮。詘胸痛者。取之奈何。岐伯曰。取之廉泉。黃帝曰。取之有數乎。岐伯曰。取天容者。無過一里。取廉泉者。血變而止。帝曰。善哉。

此陽氣逆于內。而不得充行于形身也。陽氣者。陽明水穀所生之氣。大氣宗氣也。陽氣大逆。故憤膈肩息。大氣上逆。故喘喝坐伏也。六元正紀論曰。陽明所至為埃煙。病惡埃煙。髓不得息。陽明之氣病也。陽明者。土也。請言振發其陽明之氣。疾如振發其塵埃也。天容。手太陽小腸之經。刺之以通陽氣之逆。詘者。語塞也。其效上氣窮。詘胸痛者。所受于天之氣上逆。不得合并而充身也。故取任脈之廉泉。以通腎藏之逆氣。一里者。如人行一里。其氣已通。言其速也。血變者。通其血絡也。○胃士先曰。手太陽心之府也。通神氣。故取手太陽之天容。

此承上文而詳言振埃之義也。刺法用振埃者。以其陽氣大逆。上滿于胸中。氣憤而脹。棘肩而息。大氣逆于上。為喘喝坐伏。不常病勢。內煩甚。惡埃煙。髓不得息。乃行振埃之法。效亦甚捷。其法當取之天容。

兩火并合故曰
陽明埃
煙者火
土之餘
也
二十五
家為里

願無人
功悉去
聲約音
法

黃帝問於岐伯曰。余聞刺有五節。奈何。岐伯曰。固有五節。一曰振埃。二曰發矇。三曰去爪。四曰撒衣。五曰解節。肢絡也。撒衣者。盡刺諸陽之奇輸也。解惑者。盡知調陰陽。補瀉有餘不足。相傾移也。

係手太陽小腸經如有效而上氣窮缺胸痛者則當取之廉泉徐任脈經穴但所取之數在天容者無過人行一里許而止鍼在廉泉者至其血變而即止鍼耳

黃帝曰刺節言發聾余不得其意夫發聾者耳無所聞目無所見夫子乃言刺府輸去府病何輸使然願聞其故岐伯曰妙乎哉問也此刺之大約鍼之極也神明之類也口說書卷猶不能及也請言發聾耳尚疾于發聾也黃帝曰善願卒聞之岐伯曰刺此者必于日中刺其聽宮中其眸子聲聞于耳此其輸也黃帝曰善何謂聲聞于耳岐伯曰刺邪以手堅按其兩鼻竅而疾偃其聲必應于鍼也黃帝曰善此所謂弗見為之

而無目視見而取之神仙相得者也禮仲尼燕居篇云於夫子昭然若發矇

註此言神氣之通於七竅也聾者耳無所聞目無所見也上竅之不通也聽宮手太陽之經心之府輸也眸子耳中之珠刺耳之聽宮尚疾于發目之聾是耳竅與目竅之相通也以手堅按其兩鼻竅而疾偃其聲必應其耳之鍼是耳竅與鼻竅目竅之相通也而上之七竅不通獨取手太陽以通心神之氣而七竅皆通是神明之通于七竅也心為陽中之太陽故必于日中取之

註此承上文而詳言發聾之義也夫發聾者其人耳無所聞目無所見今言刺府輸以去府病其輸不知何在伯言此乃刺法之大約即此一府以觀之真足以發聾也如耳目無所見聞者即于日中刺其手足太陽小腸經之聽宮穴其氣與眸子相通當其中其眸子也若聲則與耳自相聞矣何也以手堅按兩鼻之竅而急偃其聲頃則聲必應于耳也此所謂彼雖弗見所為而不必有目以為視吾能見而取之則真有神明相得之妙也

黃帝曰刺節言去爪夫子乃言刺關節肢絡願卒聞之岐伯曰腰脊者身之大關節也肢脛者人之管以趨翔也莖垂者身中之機陰精之候津液之道也故飲食不節喜怒不時津液內溢乃下留于壘血道不通目大不休俛仰不便趨翔不能此病榮然有水不上不下鉞石所取形不可匿當不得蔽故命曰去爪帝曰善

註此言津液隨神氣而滲灌于諸節者也津液生于中焦陽明渾澤于骨所以濡筋骨而利關節腰脊者從天椎至尾骶乃身之大關節也手足肢脛之骨節人之管以趨翔蓋津液渾澤于肢脛則筋骨利而肢能步趨肢能如翼之翔也莖垂者腎之前陰乃宗筋之會腎者胃之機關主受藏津液夫腎臟所藏之津液從宗筋而上濡于空竅故曰莖垂者身中之機陰精之候津液之道也此言胃府所生之津液隨神

上液之

榮者

聖音草

津液

從天椎至尾骶乃身之大關節也手足肢脛之骨節人之管以趨翔蓋津液渾澤于肢脛則筋骨利而肢能步趨肢能如翼之翔也莖垂者腎之前陰乃宗筋之會腎者胃之機關主受藏津液夫腎臟所藏之津液從宗筋而上濡于空竅故曰莖垂者身中之機陰精之候津液之道也此言胃府所生之津液隨神

上液之

榮者

聖音草

津液

從天椎至尾骶乃身之大關節也手足肢脛之骨節人之管以趨翔蓋津液渾澤于肢脛則筋骨利而肢能步趨肢能如翼之翔也莖垂者腎之前陰乃宗筋之會腎者胃之機關主受藏津液夫腎臟所藏之津液從宗筋而上濡于空竅故曰莖垂者身中之機陰精之候津液之道也此言胃府所生之津液隨神

上液之

氣而渾注于骨節腎藏所藏之津液從宗筋而上濡于空竅如飲食不節喜怒不時則津液內滿乃下流于澤囊血道不通日大不依俯仰不便趨翔不能此病榮熱有水不上不下當用鉞石取之形為前陰爪

遮蔽有若去其宗筋故命曰去爪
此詳言去爪之義也夫去爪之法所以為刺關節肢絡者正以腰脊為身之大關節肢脛為人之管壘
垂為身中之機陰精之候津液之道也故飲食喜怒不調津液內溢乃下留于巽
▲陰丸▼血道不通
其狀日以益大俛仰甚有不便趨翔甚有不能此病榮熱有水凝滯不行所以不上
且不下也若用鉞石之鉞以取之則形雖大而不可復匿日常不得隱蔽其水矣

黃帝曰刺節言撤衣夫子乃言盡刺諸陽之奇輸未有常處也願卒聞之岐伯曰是陽氣有餘而陰氣不足
陰氣不足則內熱陽氣有餘則外熱內熱相搏熱于懷炭外畏綿帛近不可近身又不可近席腠理閉塞則

汗不出舌焦唇槁脂乾嗑燥飲食不讓美惡黃帝曰善取之奈何或之于其天府大杼三痛又刺中膺以去
其熱補足手太陰以出其汗熱去汗稀疾于撤衣帝曰善

張此因津液不外濡于皮毛以致陽熱盛而不可近席不上濟于心藏以致內熱盛而熱如懷炭蓋陽氣
者火熱之氣陰氣者水陰之氣也故曰盡刺諸陽之奇輸奇輸者六府之別絡也津液生于胃府水穀
之精大腸主津液小腸主液胆者中精之府膀胱者州都之官津液藏焉是六府之津液從天路而外濡
于皮膚分肉者也心為腸中之太陽太陽膀胱為水府水火上下相濟者也水液不上滋于心以致心火

盛而熱于懷炭舌焦唇槁脂乾嗑燥心不和故飲食不知味也或之于其者謂水穀之津液皆藏于膀胱
水液隨太陽之氣運行于膚表或不必盡刺諸陽之奇輸取之于其天府大杼三痛使膀胱所藏之津外
濡于皮毛又刺太陽經之中膺通津液上滋于心藏以去其熱手太陰乃金水之生源而外主皮毛足太
陰主皮而外主肌肉脾主中膺通津液者也故當補足手太陰以出其汗熱去汗稀疾于撤衣之去熱

馬此承上文而詳言撤衣之義也夫撤衣之法以為盡刺諸陽之奇輸者正以陽氣有餘而陰氣不足惟
陰氣不足則內有熱如陽氣有餘則外有熱其內熱甚如懷炭其外熱畏綿帛而不可近身與席時則
腠理閉塞汗不得出其舌焦其唇槁而脂乾其嗑燥凡口中無味美惡莫辨刺之者亦惟取其手太陰肺
經之天府穴足太陽膀胱經之大杼穴各三次其刺瘡有三故為三痛也又取足太陽膀胱經之中膺內

俞以去其熱又補足太陰脾經手太陰肺經
以出其汗由是熱去而汗少其速如撤衣也
黃帝曰刺節言解惑夫子乃言盡知調陰陽補瀉有餘不足相傾移也惑何以解之岐伯曰大風在身血脈

指思亦
切
祭河下
失岐伯
曰句

津液又
隨三焦
出氣以
充皮膚
上文論
腎主藏
精此論
膀胱主
藏津
內經云
性然少
氣者是
水道不
行形氣

偏虛虛者不足。寔者有餘。輕重不得。傾側宛伏。不知東西。不知南北。乍上乍下。乍反乍覆。顛倒無常。甚于迷惑。黃帝曰善。取之奈何。岐伯曰。瀉其有餘。補其不足。陰陽平復。用鍼若此。疾于解惑。黃帝曰善。請藏之靈蘭之室。不敢妄出也。

中焦之汁流于腎藏而為精奉心化赤而為血

張此言陰陽不調致神志之迷惑也。夫火為陽。水為陰。水火者。陰陽之徵兆也。火之精為神。水之精為志。大風在身。則血脈偏虛。虛者不足。寔者有餘。血脈偏虛。則輕重傾側矣。陰陽不調。則神志迷惑矣。神志迷惑。是以不知東西。不知南北。而反覆顛倒也。故當瀉其有餘。補其不足。陰陽平復。疾於解惑。夫血者。神氣也。心藏所主。而發源於腎。是以風傷血脈。則陰陽不調。陰陽不調。則神志昏而甚於迷惑也。此五節論神氣不調。故曰刺節。節者神氣之遊行出入。神遊最速。故曰疾于撤衣。疾于解惑。○閔士先曰。以上五節。雖有神氣津液之分。然總不出于下焦之腎藏膀胱。中焦之陽明胃府。蓋下焦乃所受于天之精。中焦乃後天之穀氣。兩者相搏而為神也。

張此承上文而詳言解惑之義也。夫解惑以補虛瀉寔為法者。正以大風在身。血脈偏虛。其虛者為不足。而輕其寔者為有餘。而重大體當傾側宛伏。雖四方上下皆已反覆顛倒。其狀甚于迷惑。刺之者。即其有餘而瀉之。不足而補之。則陰陽諸經自然平復。真如解惑之速也。

黃帝曰。余聞刺有五邪。岐伯曰。病有持癰者。有容大者。有挾小者。有熱者。有寒者。是謂五邪。黃帝曰。刺五邪奈何。岐伯曰。凡刺五邪之方。不過五章。瘰癧消滅。腫聚散亡。寒瘰益溫。小者益陽。大者必去。請道其方。

張此節言真氣通會于皮膚肌腠之間。而有壅滯大小寒熱之病邪者。謂不得中正之和調也。蓋法也。謂陽盛于外。而為瘰癧者。使之消滅。氣熱而為瘰癧者。使之散亡。寒者致其神氣以和之。真氣小者。益其

陽。天者必使之歸去。各有平調之法也。○閔士先曰。始言刺節中論真氣。末言外邪。故曰刺節。真邪。所謂邪病者。謂不得中和之道而為病也。若以外邪之病論之。去經義遠矣。

張此言刺分五邪。當用五章之法也。凡刺五邪之方。不過五章而已。▲五章者。漢史約法三章。猶言五事也。故邪有熱者。今行刺法。則瘰癧消滅。邪有持癰者。今行刺法。則腫聚散亡。邪有寒者。今行刺法。則

寒瘰益溫。邪有挾小者。今行刺法。則小者益陽。蓋小者不使之大。則其在外為陽者。無害而有陽也。邪有容大者。今行刺法。則大者必去。此五章者。所以刺五邪也。下文乃析言之。

凡刺癰邪。無迎隨。易俗移性。不得膿。脆道更行。去其鄉。不安處所。乃散亡。諸陰陽過癰者。取之。其輸瀉之

龍隆同素問生氣通天論有日中而陽氣隆本
經營衛生會篇作龍古蓋龍隆互用道去聲

張此氣滯于皮膚肌腠之間而為腫聚也。癰者壅也。此因氣壅而腫非癰膿也。離合真邪論曰：天暑地熱，則經水波涌而龍起。經之動脈其至也。亦時龍起。蓋言此氣壅于皮膚分肉而為腫，無逆刺龍起之

肉之理路也。俗猶習俗性者心之所生也。謂心所生之神氣習聚于此，當移易其流行，非癰膿故不得膿。脫道肌

取其輪而瀉之。蓋皮膚分肉之氣從經絡輸絡而出，恐聚氣之流于脈絡也。此言合并充身之真氣亦運行環轉之無端也。

馬此承上文而言腫聚散亡之法也。凡刺癰邪無迎其氣之來，隆所謂避其來銳者是也。如易風俗如移

性情相似須緩以待之。若不得膿則捺以脫之，導以行之，去其癰腫之鄉，彼當不安處所，乃自散亡矣。

凡諸陰陽經之有病生癰者，取其本經之輸穴以瀉之。如手太陰輸穴太淵之類，手陽明輸穴三問之類。

凡刺大邪日以小泄奪其有餘，乃益虛。剽其通，鍼其邪，肌肉親視之，毋有反其真。刺諸陽分肉間。

張大者謂真氣容大于肌腠之間，故當使之日小。夫有餘于外則不足于內，若泄奪其有餘，乃蓋虛其內

矣。蓋言日以小者使之復反于內，非奪其外泄也。故剽切其真氣通會之處，鍼其有餘之氣以通于內，親

而出于肌腠之外，故剽通其關節，其有未反者再取之肌肉也。○閔士先曰：水穀所生之氣從大絡而出于

分肉，神氣出于肌節之間，總屬中焦之穀氣而分走其道。○趙度霞曰：穀氣與下焦之精氣相搏而後謂之

神。○朱衛公曰：毋有反其真，刺諸陽分肉間是真氣從節而出，可復從分肉理路而入，亦環轉出入者也。

註此承上文而言其大者必去之法也。凡刺邪之大者，日漸使之小，馬可也。彼大者成于有餘，當泄奪之

則邪益虛，遂乃剽竊其通流之所，鍼其大邪之移，又即其分部肌肉以親視之，毋使之反其真氣可也。

其所取之穴當刺諸陽經之分肉間耳。

凡刺小邪日以大補其不足，乃無害。視其所在迎之界，遠近盡至，其不得外侵而行之，乃自費刺分肉間。

張小者通會于肌腠之氣虛小，故當使日以漸大，即追而補之，乃無害。視其氣至之所在而迎之，于界

者節之交也。使上焦之神氣中焦之穀氣下焦之天真遠近盡至，則日以大矣。侵漸進也。費用也。其不

得外侵而行之者，乃中焦之穀氣自用不與下焦之天真合并而充身故當刺分肉間以通其穀氣。○閔

士先曰：追而濟之曰補，蓋追其正氣之內歸小者當迎之使出，不當追之使入。曰補其不足，乃無害者言

此處追而補之則復處溢而自出矣。謂真氣之環轉出入者也。○朱衛公曰：此節與上

註此節承上文而詳言小者蓋陽之法也凡刺邪之小者慮其日以益大故必補其不足則真氣當復而無害又視其分部所在以迎其氣來之界而奪之此乃先補不足之經而後瀉其有餘之經是以遠近之真氣盡至其邪不得外侵而行之乃自廢而無留也所謂小者蓋陽之義如此然刺之之法當取其有邪之分肉間耳

凡刺熱邪越而蒼出遊不歸乃無病為開關門戶使邪得生病乃已

張熱邪者陽氣盛而留于肌腠之間故為熱也蒼蒼者天之正氣也越而蒼者使邪熱發越而天真之氣色見矣出游不歸謂神氣遊行于外而不返其真此為開關門戶使邪得出而後病乃已故雖出遊不歸乃無病此蓋言真氣外內出入環轉無息者也

註此承上文而詳言癰熱消滅之法也凡刺熱邪其熱盛則神思外越而意氣蒼茫若出遊不歸乃欲無病當開辟之以通其門戶使邪熱得出所謂瀉之有餘也則病乃自已矣

凡刺寒邪日以除徐往徐來致其神門戶已閉氣不分虛實得調其氣存也

張寒氣者所得于天之水寒神者火之精也水火相感神志合精是為和平故刺寒邪者日以除其寒徐往徐來以致其神氣即開其門戶使氣不分而寒熱之虛實得調其真氣乃存矣上節論開關門戶以去邪此論門戶已閉乃存正

註此承上文而詳言寒癰蓋溫之法也凡刺寒邪一日之內即當除之用鍼之間徐往徐來以致其神氣使門戶已閉分氣不泄則虛實得調其真氣自存而寒者溫矣

黃帝曰官鍼奈何岐伯曰刺癰者用披鍼刺大者用鋒鍼刺小者用圓利鍼刺熱者用鑱鍼刺寒者用毫鍼也

第七篇同

張此申明五者之病皆在皮膚肌肉之氣分故所用之鍼皆取痺于肌肉者也

註此承上文而言刺五邪之鍼各有所宜用也按本經九鍼論五曰披鍼主大癰腫兩熱爭者也故此曰刺癰者用披鍼又四曰鋒鍼主癰熱出熱故此曰刺大者用鋒鍼又六曰圓利鍼主取遠痺者也故此曰刺小者用圓利鍼一曰鑱鍼主熱在頭身故此曰刺熱者用鑱鍼又七曰毫鍼主寒熱痛痺在絡故此曰刺寒者用毫鍼

請言解論與天地相應與四時相副人參天地故可為解下有漸加生蓋論此所以知形氣之多少也陰

陽者寒暑也。熱則滋雨而在上。根莖少汁。人氣在外。皮膚緩。腠理閉。血氣減。汗大泄。皮淖澤。寒則地凍。水水人氣在中。皮膚緻。腠理閉。汗不出。血氣強。肉堅濇。當是之時。善行水者。不能往水。善穿地者。不能鑿凍。善用鍼者。亦不能取四厥。血脈凝結。堅搏不往來者。亦未可即柔。故行水者。必待天溫。冰釋凍解。而水可行。地可穿也。人脈猶是也。治厥者。必先熨。調和其經。掌與腋。肘與腳。項與脊。以調之。火氣已通。血脈乃行。然後視其病脈。淖澤者。刺而平之。堅緊者。破而散之。氣下乃止。此所謂以解結者也。

張

此解論所受于天之氣。從陰而生。自下而上。應天地之寒暑往來。隨四時之生長收藏者也。漸如濡溼之地也。蓋蒲生於水中。其質柔弱。中抽莖莖名曰蒲槌。內剛外柔。為堅心之次水。以比人之元陽生于

精水之中。故曰此所以知形氣之多少也。謂充于形中之氣。生于天一水中。知所秉之厚薄。則知氣有多少矣。人之陽陰出入。應天地之寒暑往來。熱則滋雨在上。而萬物之根莖少汁。蓋言精水亦隨氣而上出者也。熱則人氣在外。腠理開。而汗大泄。津氣外泄。故在內之血氣減少。此言人之血氣本于下焦之精氣也。地凍水冰。則天氣收藏。而人氣在中。皮膚緻密。而汗不出。精氣內藏。故血氣自強也。善行水者。不能鑿其經。通其經也。謂所受于天之精氣。行于經脈之外內者也。調之。掌與腋。肘與腳。項與脊。謂血氣之行於上下四旁。無處不到也。淖澤者。行之太過。當刺而平之。緊澇者。溢滯不通。當破而散之。此所謂以鍼而解結者也。

馬

此詳言鍼論之義。▲鍼論二字。見官能篇。此論字根彼來。▼而有解結之法也。▲官能篇原有解結之字。伯言請以言解鍼論之義。必即天地四時為應。為副。而以人身參之。始可為解。是故地下有漸。如

則上生葦蒲。人稟天地之氣。有厚薄。斯有形氣之多少也。天地之陰陽者。即寒暑也。暑熱則地氣上蒸。而滋兩氣在于上。所以物之氣亦不在下。而在上。其根莖當少汁。至以人身論之。其氣當在表。以皮膚則緩。以血氣則減。以汗則大泄。而皮上淖澤。此人得天地之暑熱。故氣之在外者如此。若天地氣寒。則地凍水冰。氣尚在裏。以皮膚則緻密。以腠理則閉。以汗則不出。以血氣則強硬。以肌肉則堅濇。當是之時。其水成逆之脈。血脈凝結。聚不能往來。未可使之即能和柔。故行水者。必待天溫。冰釋凍解。而水可行。地可穿也。人身之脈。既已通。故治四肢厥逆之脈者。必先用人以熨調之。和其各經。凡肘與腳。掌與腋。項與脊。無不熨之。使火氣已通。血脈乃行。然後視其病脈之淖澤者。則刺而平復之。其脈堅緊者。則破而散之。候其氣下。乃止鍼。此乃鍼論解結之法也。

用鐵之類在於調氣。氣積于胃，以通營衛。各盡其道。宗氣流於海。其下者注於氣街。其上者走於息道。故厥在于足。宗氣不下，脈中之血凝而留止。弗之火調，弗能取之。

張此言後天所生之穀氣，乃營衛宗氣各走其道。充于形身之上下者也。厥在足者，少陰之氣厥也。寒氣得火熱而後能溫，其水寒夫所受于天者，少陰腎藏之精氣也。衝脈與少陰之大絡起于腎，出于氣街，循陰股內廉，邪入膈中。厥在于足，而宗氣不下者，謂宗氣下行而與少陰之氣相合也。夫所謂合并而充身者，下焦先天之氣，上與陽明之穀氣相合，而出入于關節肌腠之間。然而後天所生之宗氣亦下行而與少陰之精氣相合，注于氣街，入于膈中，并行于經脈皮膚之外內者也。

注此承上節用火熨調之義，而推明之也。凡在鍼之類，在于調病人之氣。其氣由胃中而生，故氣積于胃也。然由中焦之氣降于下焦，而生此營氣，由下焦之氣生于中焦，以升上焦，而生此衛氣。營衛生會，篇所謂營氣出于中焦，衛氣出于下焦，又曰清者為營，濁者為衛是也。皆由胃中所積之氣，通此營衛之氣，以各行其道。營氣則隨宗氣以行于經隧之中，衛氣則行于各經皮膚分肉之間。且所謂宗氣者，則流于膻中，為氣之海者是也。其下而為中下二焦者，則注于氣街，即足陽明胃經之氣衝穴也。故在上之宗氣出喉嚨，司呼吸，以行息道。凡氣自足而上厥，則上之宗氣不降，脈中之血凝而留止。斯時也，若弗用火以熨而調之，烏能取四脈氣血逆而解其結哉。

用鐵者，必先察其經絡之寔虛，切而循之，按而彈之，視其應動者，乃後取之而下之。

張此申明血氣之行于脈中也。內經云：絡滿經虛，瀉陽補陰。經滿絡虛，瀉陰補陽。蓋以裏之經脈為陰，外之絡脈為陽。血氣之行于脈中，從經而脈，脈而絡，絡而孫，故必先察其經絡之虛寔，而後取之。

注此言用鐵者，有先察後取之義，亦承上文先熨後行之意，而推廣之也。凡用鐵者，必先察其經絡之虛寔，或寔則寔者當瀉，虛者當補。穴在何經，切而循之，按而彈之，視其氣之來應而動者，然後取其穴而瀉之。此所謂解結也。

六經調者，謂之不病。雖病，謂之自己也。一經上實下虛而不通者，此必有橫絡盛加于大經，令之不通。視而瀉之，此所謂解結也。

瀉之，此所謂解結也。

張此申明血氣之行于脈外也。六經者，手足之十二經脈也。大經者，經隧也。經隧者，五臟六腑之大絡也。胃府所出之血氣，充于皮膚分肉之間者，從臟府之大經，而外出于皮膚橫絡者，經脈之支別也。如一

經上實下虛而不通者此必有經脈之橫絡感加于大經而令之不通也故視而瀉之此所謂解結也此二節論水穀所生之血氣榮于脈中充于膚腠各有道路也○關士先曰以此二節列于篇中者分別合

并而充身之真氣各別也當以自費之義參之
論此言六經調者為不病而一經病者即用解結之法也手足各有三陰三陽謂之六經也六經之脈各必有橫絡之脈感加于大經之中令其不通乃視之可見者也當視而瀉之此亦所謂解結之法也

上寒下熱先刺其項太陽久留之已刺則熨項與肩脚令熱下合乃止此所謂推而上之者也

張此言下焦所生之氣從下而上也太陽為諸陽主氣而太陽之氣生于膀胱水中上寒下熱此太陽之氣留于下而不上故先刺其項太陽久留之以候氣至已刺則熨項與肩脚令大熱與下之陽氣交合乃止此所謂推而上之者也○關士先曰本經凡曰項太陽皆在氣分上看取表氣故不言經穴○趙庭震曰少陰太陽主水火之標本故俱用火以溫氣

論此治上冷下熱之法也凡上冷下熱者先刺其項乃足太陽膀胱經穴也久留其鍼候其氣至而熱且方已久鍼之時必熨項與肩脾中令其熱與下合乃止鍼此其熱在于下也若或推之而上所謂推而上之之法也

上熱下寒視其虛脈而陷之于經絡者取之氣下乃上此所謂引而下之者也

張此言上焦所生之氣從下而上也上焦開發宣五穀味熏膚充身澤毛是謂氣此上焦之氣從上而下如上熱下寒當視其虛脈而陷之于經絡者取之此因脈虛而氣陷于脈內不能熏膚熱肉故下寒也故當取之于經俟氣下乃止此所謂引而下之者也

論此治上熱下冷之法也凡上熱下冷者視其下脈之虛而陷之于經絡者補之使上之氣下乃止此其熱在于上者若引而下之所謂引而下之之法也

大熱偏身狂而妄見妄聞妄言視足陽明及大絡取之虛者補之血而實者瀉之因其偃卧居其頭前以兩手四指按按頸動脈久持之卷而切之下至缺盆中而復止如前熱去乃止此所謂推而散之者也

張此言中焦所生之氣從中而出散行于上下者也中焦之氣陽明水穀之悍氣也大熱偏身狂而妄見妄聞此陽明之氣逆而為熱狂也故當視足陽明之皮部及大絡取之虛者補之如逆于血脈之中而

血實者滿之。蓋中焦之氣從大絡而出于皮膚者也。其悍氣之上衝頭者。循咽上走空竅。出頤下客主人。循牙車復于陽明之脈相合。并下人迎。從膺胸而下至足跗。故當因其偃卧。居其頭前。以兩手四指扶按頸中。人迎之動脈。久持之。蓋使悍熱之散于脈外。勿使合于脈中。此所謂推而散之者也。以上三節。申明膺表之氣。又有從上中下之三道而出者。是所受于天與穀氣。并而充身者。又有三氣也。學者能明乎陰陽血氣。離合出入之道。全經大義。思過半矣。

論 此治大熱之法也。上文上寒下熱。上熱下寒。其熱非偏身者也。令大熱偏身。狂而聞見言語。以無為有。則熱之極也。足陽明經多氣多血。為五臟六府之海。故當視其足陽明之大絡。取之。虛則補之。血而寔者。則瀉之。又必因病人偃卧之際。醫工居其頭前。以兩手各用大指食指共四指。按其頸之動脈。而按之。即人迎大迎處也。又久而持之。又卷而切之。下至缺盆之中。而後止。又如前法行之。候其熱去。乃止。此所謂推而散之之法也。

黃帝曰：有一脈生數十病者。或痛或癢。或熱或寒。或痒或痺。或不仁。變化無窮。其故何也？岐伯曰：此皆邪氣之所生也。

注 此下論邪氣之傷人。榮衛宗氣。則真氣去。邪獨留。邪氣淫泆。變化無窮。是以一脈而生數十病也。

注 此言一脈而生數十病者。皆邪氣之所生也。邪氣者。即下文之虛邪也。蓋虛邪賊風。善行而數變。故為病之多。有如是也。

黃帝曰：余聞氣者有真氣。有正氣。有邪氣。何謂真氣？岐伯曰：真氣者所受于天。與穀氣并而充身者也。正氣者。正風也。從一方來。非實風。又非虛風也。邪氣者。虛風之賊傷人也。其中人也深。不能自去。正風者。其中人也淺。合而自去。其氣來柔弱。不能勝真氣。故自去。

注 所受于天者。先天之精氣。穀氣者。後天水穀之精氣。合并而充身者也。正氣者。大塊噫氣。其名為風。從一方來。非實風。又非虛風。此天地之正氣也。虛風者。從虛鄉來之賊風。傷人正氣。其中人也深。不能自去。正氣者。其中人也淺。與真氣合而自去。蓋其氣來柔弱。不能勝真氣。故自去。○聞士志曰：人秉天地之正氣所生。故天之正氣。與人之真氣相合。不能勝真氣者。合并之氣勝也。○朱衛公曰：風出于地。隱之中。故其氣來柔弱。寔風者。天之正氣也。

出於地
遂故為
大塊

注此承上文而言氣分為三惟邪氣能傷真氣也真氣者與生俱生受之于天日與穀氣相養而充滿于身者也正氣者正風也從一方來此風非實非虛如春之東風夏之南風秋之西風冬之北風者是也

其中人也淺以其風氣之來柔弱不能勝人真氣故耳邪氣者乃虛風之賊傷人者也如冬居叶蟄之室而風自後來者是也▲大義見歲露篇▼其中人也深不能自去也所以變化無窮而一脈有數十病耳

虛邪之中人也灑淅動形起毫毛而發腠理其入深內搏於骨則為骨痺搏于筋則為筋攣搏于脈中則為

血閉不通則為癰搏于肉與衛氣相搏陽勝者則為熱陰勝者則為寒寒則真氣去去則虛虛則寒搏于皮

膚之間其氣外發腠理開毫毛榮氣往來行則為痒留而不去為痺衛氣不行則為不仁

注此言虛邪之傷形也洒淅動形故搏于皮脈肉筋骨而為痔為擊為癰為痺

馬此承上文而言虛邪入人之深有為骨痺為筋攣為癰為擊為痺為不仁等病也夫虛邪之中人

筋攣搏于脈中而血閉不通則為癰腫搏于肉而與衛氣相搏當是時陽氣勝者則為熱乃陽經之氣

發腠理開其毫毛淫氣往來而行為卑留而不去則為痺衛氣不行則為不仁不知痛痒也

虛邪偏容於身半其入深內居榮衛榮衛稍衰則真氣去邪氣獨留發為偏枯其邪氣淺者脈偏痛

張此邪氣偏容于形傷其榮衛則真氣去而為偏枯也其邪氣淺者脈偏痛蓋偏枯者邪直傷于筋骨

虛邪之入于身也深寒與熱相搏久留而內著寒勝其熱則骨痛肉枯熱勝其寒則爛肉腐肌為膿內傷骨

內傷骨為骨蝕有所疾前筋筋屈不能伸邪氣居其間而不反發為筋溜有所結氣歸之衛氣留之不得反

津液久留合而為腸溜久者數歲乃成以手按之柔已有所結氣歸之津液留之邪氣中之凝結日以易甚

連以聚居為昔瘤以手按之堅有所結深中骨氣因干骨骨與氣并日以益大則為骨疽有所結中于肉宗


合則總
謂之真
氣

卷之五十五
五十五
五十五

氣歸之邪留而不去。有熱則去而為膿。無熱則為肉疽。凡此數氣者。其發無常處。而有常名也。

註 此虛邪傷氣而病形也。寒與熱搏者。形中之陰陽二氣也。蓋形含氣。氣歸形。形氣之相合也。是以傷形則病。氣傷氣則病。形結氣歸之者。寒熱相搏之氣。歸于邪留之形所也。凡此數氣者。其發無定處。而有肉枯。骨蝕。筋溜。骨瘤之定名也。末章論邪氣病形。則真氣去而營衛傷。蓋真氣者。出入于節之大遊行于皮膚肌腠之間者也。

馬註 此承上文。而悉舉虛邪中之病。亦變化無窮之義也。虛邪入于入者。既深。則寒與熱相搏。如久留而內着。其寒勝。夫熱則為骨疼。而肉枯。熱勝。夫寒則為肉爛。而肌腐。且為膿。及內傷其骨也。內傷其骨。則為骨蝕。骨蝕者。骨有所損也。必有其所。如內傷其筋。而疾在前。腕則筋自屈。而不得伸。邪氣居其中。而不吐。則發為筋溜。筋溜者。筋有所流注也。亦必有其所。如邪氣有所結。而歸于內。衛氣亦留于內。而不得出。以反于外。所以津液亦留于其中。則合而為腸溜。腸溜者。腸有所流注也。久者數歲。乃成。以手按之。則可至于柔。然亦必有其所。如或邪氣之結者。歸于內。津液留于內。而又有邪氣中之。則凝結。易中。骨則邪氣因于骨。骨與氣并。日以益大。則為骨疽。亦有所。以手按之。則堅。且有所。又或結深。其所。破邪氣留而不去。如有熱。則化而為膿。如無熱。則止。為肉疽。凡此數等邪氣。其發雖無一定之處。而各有一定之名也。



H 8742

1922

V. R. M. 187